



唐書十



伊 8  
1795  
224



特  
1735  
224

地理志第三十三下

羈縻州

書圖  
所購以贈  
卽悼山田  
月諸同八  
北係明治

唐書四十三下

唐書四十三下

唐興初未暇於四夷自太宗平突厥西北諸蕃及蠻夷稍稍內屬  
卽其部落列置州縣其大者爲都督府以其首領爲都督刺史皆  
得世襲雖貢賦版籍多不上戶部然聲教所暨皆邊州都督都護  
所領著于令式今錄招降開置之目以見其盛其後或臣或叛經  
制不一不能詳見突厥回紇党項吐谷渾隸關內道者爲府二十  
九州九十突厥之別部及奚契丹靺鞨降胡高麗隸河北者爲府  
十四州四十六突厥回紇党項吐谷渾之別部及龜茲于闐焉耆  
疏勒河西內屬諸胡西域十六國隸隴右者爲府五十一州百九  
十八羌蠻隸劔南者爲州二百六十一蠻隸江南者爲州五十一  
隸嶺南者爲州九十二又有党項州二十四不知其隸屬大凡府



州八百五十六號為羈縻云

關內道

突厥州十九府五

定襄都督府貞觀四年析頡利部為領州四貞觀二十三年分諸部置州三阿德州以阿史德部置執失

州以執失部置蘇農州以蘇農部置拔延州

右隸夏州都督府

雲中都督府貞觀四年析頡利右部置領州五貞觀二十三年分諸部置州三舍利州以舍利吐利部置阿史

那州以阿史那部置綽州以綽那部置思壁州貞觀末隸燕然白登州都護後復來屬

桑乾都督府龍朔三年分定襄置領州四貞觀二十三年分諸部置州三郁射州以郁射施部置初藝

失州以多地藝失部置單失州以單失部置叱略州隸定襄後來屬

呼延都督府貞觀二十三年置領州三分諸部置州三賀魯州以賀魯部置初隸葛邏州雲中都督後來屬

以葛邏挹怛部置初隸雲中都督後來屬

右隸單于都護府

新黎州貞觀二十二年以車鼻可汗之子錫漫陀部置初為都督府後為州 渾河州永徽元年以車鼻可汗餘眾歌邏祿之烏德鞬山左廂部落置狼山州

永徽元年以歌邏祿右廂部落置為都督府隸雲中都護顯慶三年為州來屬

堅昆都督府貞觀二十二年以沙鉢羅葉護部落置

右隸安北都護府

回紇州十八府九貞觀二十二年分回紇諸部置

燕然州以多濫葛部地置初為都督府及雞鹿雞田燭

雞鹿州以奚結部置雞田州以奚結部置燭龍州阿

東臯蘭州以渾部置初為都督府并以延陀餘眾置

右隸靈州都督府

達渾都督府以延陀部落置領州五 姑衍州 步訖若州 嶮彈州永

中收延陀散亡部落置 鶻州 低粟州

燕州貞觀二十二年析瀚海都督之掘羅勿部置溫池

安化州都督府

僑治胡友

寧朔州都督府

僑治胡友

僕固州都督府

僑治胡友

右隸夏州都督府

榆溪州

以契苾部置

寘顏州

以白雷部置

居延州

以白雷別部置

稽落州

本高闕州以斛薩部置永徽元年廢高闕州更置稽

洛州後又廢三年以阿特部復置

余吾州

本玄闕州貞觀中以骨利幹部置龍朔中更名

浚稽州

仙萼州

初隸瀚海都護後來屬

瀚海都督府

以回紇部置

金微都督府

以僕固部置

幽陵都督府

以拔野古部置

寇林都督府

貞觀二年以同羅部落置

堅昆都督府

以結骨部置

右隸安北都護府

党項州五十一府十五

貞觀三年酋長細封步賴內附其後諸姓酋長相率亦內附皆列其地置州縣隸松州都督府五年又開其地置州十六縣四

十七又以拓拔赤詞部置州三十二乾封二年以吐蕃入寇廢都流厥調湊般匄器通鐙率嗟等

清塞州

歸德州

僑治銀州境

蘭池都督府

芳池都督府

相興都督府

永平都督府

旭定都督府

清寧都督府

忠順都督府

寧保都督府

靜塞都督府

萬吉都督府

樂容州都督府領州一 東夏州

靜邊州都督府貞觀中置初在隴右後僑治慶州之境領州二十五 布州 北夏州 思

義州 思樂州 昌塞州 吳州天授二年置吳朝歸浮等州 朝州朝一作彭 歸州歸一作陽 浮

州 祐州貞觀四年置領縣二廊川歸定 卑州 西歸州 嶂州貞觀四年置縣四洛平顯川佳川顯平 飭州

開元州 歸順州本在山南之西寶應元年請梁州刺史內附 淳州貞觀十二年以降戶置于洮州之境并置索恭烏城二縣開元中廢後為羈縻

烏籠州 恤州 嗟州貞觀五年置縣一相雞相雞本隸西懷州貞觀十年來屬 蓋州本西唐州貞觀四年置八年更名縣四湘水河唐曲

悅州 迴樂州 烏掌州 諾州貞觀五年置縣三諾川德歸離渭

右隸靈州都督府

芳池州都督府僑治懷安皆野利氏種落 領州九 寧靜州 種州 玉州貞觀五年置縣二玉

濮州 林州 尹州 位州貞觀四年置縣二位豐西使 長州 寶州

宜定州都督府本安定後更名 領州七 党州 橋州貞觀六年置 烏州 西戎州

貞觀五年以拓拔赤詞部落置初為都督府後為州來屬 野利州 米州 還州

安化州都督府領州七 永和州 威州 旭州 莫州 西滄

州貞觀六年置八年更名臺州後復故名 琮州 儒州本西鹽州貞觀五年以拓拔部置治後魏洪和郡之藍川縣地八年更名開元中廢後為羈縻

右隸慶州都督府

吐谷渾州二

寧朔州初隸樂容都督府代宗時來屬

右隸夏州都督府

渾州儀鳳中自涼州內附者處於金明西境置

右隸延州都督府

河北道

突厥州二

順州 順義郡貞觀四年平突厥以其部落置順祐化長四州都督府于幽靈之境又置北開北寧北撫北安等四州都督府六年順州僑治管州南之五柳戍又分思農部

置燕然縣僑治陽曲分思結部置懷化縣僑治秀容隸順州後皆省祐化長及北開等四州亦廢而順州僑治幽州城中歲耳蔚香縣一賓義

瑞州本威州貞觀十年以烏突汗達于部落置在營州之境咸亨中更名後僑治良鄉之廣陽城縣一來遠

右初隸營州都督府及李盡忠陷營州以順州隸幽州都督府徙

瑞州于宋州之境神龍初北還亦隸幽州都督府

奚州九府一

鮮州武德五年析饒樂都督府置僑治潞之古縣城縣一賓從崇州武德五年析饒樂都督府之可汗部落置貞觀三年更名北黎州治營州之廢陽師鎮八年復故名後與

鮮州同僑治潞之古縣城縣一昌黎縣一歸義州歸德郡總章中以新羅戶置僑治良鄉之廣陽古縣城縣一昌黎懷遠歸義州歸德郡城縣一歸義後廢開元中信安王禕降契丹李詩部落五

千帳以其眾復置

奉誠都督府本饒樂都督府唐初置後廢貞觀二十二年以內屬奚可度者領州五

弱水州以阿會祁黎州以處和洛瓌州以與失太魯州以度稽渴野州以元侯

契丹州十七府一

玄州貞觀二十年以紇主曲據部落置僑治范陽之魯泊村縣一靜蕃威州本遼州武德二年以內稽部落置初治燕支城後僑治營州城中貞觀元年更名後治良鄉之

石窟堡縣一威化昌州貞觀二年以松漠部落置僑治營州之靜蕃成七師州貞觀二年以契丹室

之清水店縣一孤竹歸順州歸化郡本彈汗州貞觀二十二年以內屬契丹別沃州載初中析昌

天元年没于李盡忠開元二年復置後僑治范陽之南回城縣一濱海信州萬歲通天元年以乙失活部青山州景雲元年析

范陽之水門村縣一青山

松漠都督府貞觀二十二年以內屬契丹窟歌部置其別帥七部領州八峭落州

以達稽部置無逢州以獨活羽陵州以芬間白連州以突便徒何州以芮奚萬丹州

以陸斤部置疋黎州以伏赤山州以伏部

歸誠州

靺鞨州三府三

慎州武德初以涑沫烏素固部落置僑治良鄉之故都卿城縣一逢龍夷賓州乾符中以愁思嶺部落置僑治黎州載初

析慎州置僑治良卿之故都卿城縣一新黎

黑水州都督府開元十四年置

四年置

渤海都督府

安靜都督府

右初皆隸營州都督李盡忠陷營州乃遷玄州于徐宋之境威州于幽州之境昌師帶鮮信五州于青州之境崇慎二州于淄青之境夷賓州于徐州之境黎州于宋州之境在河南者十州神龍初乃使北還二年皆隸幽州都督府

降胡州一

凜州天寶初置僑治范陽境

右隸幽州都督府

高麗降戶州十四府九

太宗親征得蓋牟城置蓋州得遼東城置遼州得白崖城置白州及師還拔蓋遼二州之人以歸高宗滅高麗置都督府九州

四十二後所存州止十四初顯慶五年平百濟以其地置熊津馬韓東明金遠德安五都督府并置帶方州麟德後廢 南蘇州 蓋牟州 代

那州

倉巖州

磨米州

積利州

黎山州

延津州

木底

州 安市州

諸比州

識利州

拂涅州

拜漢州

新城州都督府

遼城州都督府

哥勿州都督府

衛樂州都督府

舍利州都督府

居素州都督府

越喜州都督府

去旦州都督府

建安州都督府

右隸安南都護府

隴石道

突厥州三府二十七

皇蘭州貞觀二十二年以阿史德特健部置初隸燕然都護後來屬

興昔都督府

右隸涼州都督府

特伽州 雞洛州開元中又有火拔州葛祿州後不復見

濛池都護府貞觀二十三年以阿史那賀魯部落置瑤池都督府永徽四年廢顯慶二年禽賀魯分其地置都護府二都督府八其役屬諸胡皆為州

昆陵都護府

匐延都督府以處木昆部置

嗚鹿州都督府以突騎施索葛莫賀部置

潔山都督府以突騎施阿利施部置

雙河都督府以攝舍提墩部置

鷹娑都督府以鼠尼施處半部置

鹽泊州都督府以胡祿屋闕部置

陰山州都督府顯慶三年分葛邏祿三部置三府以謀落部置

大漠州都督府以葛邏祿熾俟部置

玄池州都督府以葛邏祿踏實部置

金附州都督府析大漠州置

輪臺州都督府

金滿州都督府永徽五年以處月部落置為州隸輪臺龍朔二年為府

咽麴州都督府初玄池咽麴為州隸燕然長安二年為都督府隸北庭

鹽祿州都督府

哥係州都督府

孤舒州都督府

西鹽州都督府

唐書四十二



東鹽州都督府

叱勒州都督府

迦瑟州都督府

憑洛州都督府

沙陀州都督府

荅爛州都督府

右隸北庭都護府

回紇州三府一

蹕林州以思結別部置金水州 賀蘭州

盧山都督府以思結部置

右初隸燕然都護府總章元年隸涼州都督府

党項州七十三府一縣一

馬邑州開元十七年置在秦成二州山谷間寶應元年徙于成州之鹽井故城

右隸秦州都督府

保塞州

右隸臨州都督府

密恭縣高宗上元三年為吐蕃所破因廢後復置

右隸洮州

叢州貞觀三年置縣三 峇州貞觀元年以降戶 奉州本西仁州貞觀元年置八年更名縣三奉德恩安永慈 巖州

本西金州貞觀五年置八年更名縣三金池甘松丹巖 遠州本西懷州貞觀四年置八年更名縣二羅水小部川 麟州本西麟州貞觀五年置八年更名縣三義誠清化靜方 閩州貞觀五年置縣二閩源落吳 彭州本洪州貞觀三年更名縣三 可州本西義州貞觀四年置八年更名縣三義誠清化靜方 肆州貞觀五年置縣四歸 序州貞觀十年置 靜

縣四洪川歸 直州本西集州貞觀五年置八年更名縣二集川新川 肆州貞觀五年置縣四歸 序州貞觀十年置 靜

遠臨津歸正 州咸亨三年以內附部落置

軌州都督府貞觀二年以細封步賴部置縣四玉城金原俄徹通川 以上有版

以上有版

研州 探那州 杞州 毗州 河州 幹州 瓊州 犀州  
 龕州 陪州 如州 麻州 霸州 礪州 光州 至涼州  
 擘州 思帝州 統州 穀邛州 達達州 萬卑州 慈州  
 融洮州 執州 荅針州 稅河州 吳洛州 齊帝州 苗州  
 始目州 悉多州 質州 兆州 求易州 託州 志德州  
 延避州 略州 索京州 柘剛州 明桑州 白昂州 瓚州  
 酋和州 和昔州 祝州 索川州 拔揭州 鼓州 飛州  
 索渠州 目州 寶劍州 津州 柘鍾州 紀州 徽州  
 以上無版  
 右初隸松州都督府肅宗時懿蓋嵯諾嶂祐臺橋浮寶玉位儒歸  
 恤及西戎西滄樂容歸德等州皆內徙餘皆没于吐蕃  
 乾封州 歸義州 順化州 和寧州 和義州 保善州 寧

定州 羅雲州

朝鳳州 以上寶應元年內附 永定州 永泰元年以永定等十二州部落內附析置州十五 宜芳州 餘

右關

吐谷渾州一

閣門州

右隸涼州都督府

四鎮都督府州三十四 咸亨元年吐蕃陷安西因罷四鎮長壽二年復置

龜茲都督府 貞觀二十年平龜茲置 領州九 關

毗沙都督府 本于闐國貞觀二十二年內附初置 領州十 關

焉耆都督府 貞觀十八年滅焉耆置有碎葉城調露元年都護王方翼築四面十二門為屈曲隱出伏沒之狀云

疏勒都督府 貞觀九年疏勒內附置 領州十五 關

河西內屬諸胡州十二府二

烏壘州 和墨州 溫府州 蔚頭州 遍城州 耀建州 寅

度州 豬拔州 達滿州 蒲順州 郢及滿州 乞乍州

渠黎都督府

西域府十六州七十二龍朔元年以隴州南由令王名遠為吐火羅道置州縣使自于闐以西波斯以東凡十六國以其王都為都督府以其屬部為

州縣凡州八十八縣百一十軍府百二十六

月支都督府以吐火羅葉護阿緩城置領州二十六 藍氏州以鉢勃城置 大夏州以縛叱城置 漢

樓州以俱祿捷城置 弗敵州以烏邏氈城置 沙律州以咄城置 媽水州以羯城置 盤越州以忽婆城置 忸密

州以烏羅渾城置 伽倍州以摩彥城置 粟特州以阿捺臘城置 鉢羅州以蘭城置 雙泉州以悉計密城置 祀

惟州以昏磨城置 遲散州以悉沒言城置 富樓州以乞施城置 丁零州以泥射城置 薄知州以析面城置 桃

州以阿臘城置 大檀州以類厥伊城具關達官部落置 伏盧州以播薩城置 身毒州以乞澀職城置 西戎州以突厥施恒

馱頡州以騎失帝城置 疊仗州以發部落城置 苑湯州以拔特山城置

大汗都督府以噉噠部落活路城置 領州十五 附墨州以弩那城置 奄蔡州以胡路城置 依

耐州以婆多楞薩連捷城置 犁州以少俱部落置 榆令州以烏模言城置 安屋州以遮瑟多城置 剡陵州以數始城置

碣石州以迦沙紛遮城置 波知州以羯滂支城置 烏丹州以烏捺斯城置 諾色州以速利城置 迷蜜州以順問城置

盼頓州以乍城置 宿利州以頌施谷部落置 賀那州以汗曜部落置 細柳州以護聞城置 虞泉州以贊候瑟顛城置 犁

條支都督府以訶達羅支國伏寶瑟顛城置 領州九 細柳州以護聞城置 虞泉州以贊候瑟顛城置 犁

蘄州以據瑟部落置 崦嵫州以遏忽部落置 巨雀州以烏離難城置 遺州以遺蘭部落置 西海州以郝薩大城置 鎮西

州以活根部落置 乾陀州以縛狼部落置

天馬都督府以解蘇國數購城置 領州二 洛那州以忽論城置 束離州以達利薄統城置

高附都督府以骨咄施沃沙城置 領州二 五翎州以葛邏健城置 休蜜州以烏斯城置

修鮮都督府以剌賓國遏紇城置 領州十 毗舍州以邏漫城置 陰米州以賤那城置 波路州以和

置藍城 龍池州以遺恨城置 烏弋州以塞奔你邏斯城置 羅羅州以濫健城置 檀特州以牛製城置 烏利州

置以勃逸城置 漠州以鶻換城置 懸度州以布路健城置

唐書四十三

寫鳳都督府以蚩延國領州四 懈谷州以肩捺 冷淪州以俟麟 悉萬州

以縛時 鉗敦州以未臘薩

悅般州都督府以石汗那 領雙靡州以俱蘭

奇沙州都督府以護時健國 領州二 沛隸州以慢山 大秦州以啟蜜

姑墨州都督府以恒沒國 領栗弋州以弩羯

旅葵州都督府以烏拉喝國

崑墟州都督府以多勒建國

至拔州都督府以俱蜜國

鳥飛州都督府以護蜜多國 領鉢和州以娑勒色

王庭州都督府以久越得健

波斯都督府以波斯國

右隸安西都護府疾陵城置

劔南道

諸羌州百六十八

西雅州貞觀五年置縣三 蛾州貞觀五年置縣 拱州顯慶元年以鉢 劔州永徽五年以

置部落

右隸松州都督府

塗州武德元年以臨塗羌內附置領臨塗端源婆覽三縣貞觀元年 炎州本西封州貞觀五

州廢縣亦省二年析茂州之端源成復置縣三端源臨塗悉隣 更名縣三大 徹州貞觀六年以西羌董洞貴部 向州貞觀五年以生羌 冉州本西冉州貞

封慕仙義川 落置縣三文徹俄耳文進 穹州本西博州貞觀五年以生羌置八年 笮州本西恭州

外斂才羌地置八年更名九年第 穹州更名縣五小川徹當壁川當博恭耳 笮州貞觀七年

為冉州縣四冉山磨山玉溪金水 蓬魯州永徽二年特浪生羌董悉奉求辟惠生羌十

以白狗羌戶置八年更 蓬魯州名縣三遂都亭勸比思 葛州 勿州 鞞州 占州 達州 浪州 邠州 斂州 補

州 賴州 那州 舉州 多州 爾州 射州 鐸州 平蔡

州 時州 箭州 婆州 浩州 質州 居州 可州 宕州

歸化州 柰州 竺州 卓州

右隸茂州都督府

思亮州 杜州 初漢州 孚川州 渠川州 丘盧州 祐州

計州 龍施州 月亂州 浪彌州 月邊州 團州 櫃州

威川州 米羌州

右隸駕州都督府

當馬州此下二十一州天寶前置 林波州 中川州 林燒州 鉗矢州 會野

州 當仁州 金林州 東嘉梁州 西嘉梁州 東石乳州

西石乳州 涉邛州 汶東州 費林州 徐渠州 彊雞州

長臂州 楊常州 羅巖州初隸黎州都督後來屬 雉州 椎梅州此下三十六州開元後置

三井州 束鋒州 名配州 鉗恭州 斜恭州 畫重州 羅

林州 籠羊州 龍逢州 敢川州 驚川州 楸眉州 木燭

作

州 當品州 嚴城州 昌磊州 鉗井州 木重州 楸林州

三恭州 布嵐州 欠馬州 羅蓬州 論川州 讓川州 遠

南州 卑廬州 夔龍州 耀川州 金川州 鹽井州 涼川

州 夏梁州 南和州 楸查州

右隸雅州都督府

奉州此下二十二州開元前置 輒榮州 劇川州 合欽州 蓬口州 博盧

州 明川州 施腋州 蓬矢州 大渡州 米川州 木屬州

河東州 南嵐州 昌明州 歸化州初隸駕州後來屬 象川州 叢夏州

和良州 和都州 附樹州 東川州 上貴州此下二十八州開元十七年置 滑川

州 比川州 吉川州 南萼州 北地州 蒼榮州 野川州

邛凍州 貴林州 牒珍州 浪彌州 郎郭州 上欽州 時

蓬州 儼馬州 邛川州 護邛州 脚川州 開望州 上蓬

唐書四十三

七

州 比蓬州 剝重州 久護州 瑤劍州 明昌州 護川州

索古州 此下三州大和以前置 諾柞州 栢坡州

右隸黎州都督府

諸蠻州九十二 皆無城邑椎髻皮服惟來集于都督府則衣冠如華人焉

南寧州 漢夜郎地武德元年開南中因故同樂縣置治味四年置總管府五年僑治益州八年復治味更名郎州貞觀元年罷都督開元五年復故名天寶未沒于蠻因廢唐未復置

州 于清溪鎮去黔州二十九日行縣 昆州 本隋置隋亂廢武德元年開南中復置土貢牛黃縣七味同樂升麻同起新豐隴隄泉麻

州 本西寧州武德七年析南寧州二縣置 匡州 本南雲州武德七年置貞觀八年更名漢永昌郡地縣二勃弄匡川

州 本西濮州武德四年置貞觀十一年更名漢越 尹州 武德四年置北接髮州縣五 曾州 武德四年置西接匡州縣五

州 本西宗州武德七年置貞觀十一年第 微州 本西利州武德七年置貞觀十一年第 望州 貞觀末以諸蠻內附與傍州

州 本西豫州武德七年置貞觀三年更名南接姚州初為 望州 貞觀末以諸蠻內附與傍州 羅州 本西平州武德四年置貞觀八年更名故

州 本西平州武德四年置貞觀八年更名故 麻州 貞觀二十二年 英州 年析郎州置 聲

州 勤州 傍州 貞觀二十三年諸蠻未徒莫祇儉望 求州 丘州 覽州

咸州 瀘慈州 歸武州 嚴州 湯望州 武德州 奏龍州

武鎮州 本武恒避 南唐州 連州 縣六當為都寧邏 南州 析盈州置縣三 德州 析

州 羅連萬巖 為州 析扶德州置 洛州 析鏡州置縣四臨 移州 析悅州置縣三 悅州 縣六甘

州 臨川悅水 鏡州 縣六夷即賓唐溪 筠州 縣八鹽水筠山羅余臨 志州 志一作總縣四浮 盈

州 夷鄰胡瑤 武昌州 縣七洪武羅虹琅林 扶德州 縣三宋水 播朗州 析肇州置縣

州 州 縣四盈川塗 武昌州 夷明來賓羅新綺婆 扶德州 縣三宋水 播朗州 三播勝從顏

州 順化 信州 居州 炎州 馴州 縣五馴祿天池 騁州 縣二斛 浪川州 貞元十

州 度使韋臯表置縣五郎 協州 本隋置隋亂廢武德元年開南 靖州 析協州置縣 曲州 本恭

州 浪中違向度郎仁因閣 協州 中復置縣三東安西安胡津 靖州 二靖川分協 曲州 本恭

州 北接協州縣二朱提唐興朱提本安上武德七年更名 播陵州 析盈 鉗州 析開邊 哥靈

州 連州 縣三柯連 碾衛州 縣三麻金 品州 縣三八秤 從州 縣六松花昆池武

州 羅各新成 碾衛州 碾衛涪麻 品州 縣三八秤 從州 縣六松花昆池武 右隸戎州都督府

從化

抵

于州 武德四年以古滇王國民多姚  
姓因置姚州都督并置州十二  
異州 五陵州 神州 和往州 舍

利州 范鄧州 野共州 洪郎州 日南州 眉鄧州 遼備

州 洛諾州

右隸姚州都督府

納州都寧郡 儀鳳二年開山洞置縣入羅圍播羅施陽都寧羅  
當羅藍都胡茂先天二年與薩曼登皆降為羈縻  
薩州黃池郡 儀鳳二年開山洞  
置縣五都都檀波

嶺置縣二 晏州羅陽郡 儀鳳二年招生獠置縣七思峩  
柯陰新賓扶來思晏哆罔羅陽  
鞏州因忠郡 儀鳳二年開山洞  
置縣五都都檀波

婆比求 奉州 儀鳳二年開山洞  
置縣二柯里遜蓬  
浙州 儀鳳二年開山洞置縣  
順州 載初二年置縣五曲水  
播郎

思峩州 天授二年置縣  
二多溪洛溪  
涪州 久視元年置縣四新  
能州 大足元年置縣四長  
寧來錐菊池猿山  
高州 縣三  
移南 縣四柯龍柯  
支來水盧吾  
長寧州 縣四婆負波  
定州 縣二支  
徒西

右隸瀘州都督府

江南道

諸蠻州五十一

牂州 武德三年以牂柯首領謝龍羽地置四年更名柯州後復故名初牂琰琰充應矩六州皆  
安本牂柯武德二年  
更名新興與州同置琰州 貞觀四年置縣五武侯望江應江始安  
地置四年更名十一年為都督府景龍二年罷都督故隋牂柯郡地南百里有  
桂嶺關縣七石牛南陽輕水多樂樂安石城新安貞觀中又領清蘭縣後省  
別部置縣七平蠻東停韶  
明 牂柯東陵辰水思王  
應州 貞觀三年以東謝首領謝元深地  
置縣五都尚婆覽應江施隆羅恭  
矩州 武德四年置  
充州 武德三年  
以西趙首領趙  
磨首地置  
焉州 勞州 義州 福州 犍州 邕州 清州 峩

州 蠻州 縣一 欽州 欽州 琳州 縣三多梅  
古陽多奉 鸞州 令州 邕州

暉州 都州 總州 咸亨三年昆明十四姓  
率戶二萬內屬分置 敦州 咸亨三年析內屬昆明部置縣六  
復置故南漢之境也縣五殷川東公龍原章川賓川初與敦州皆隸戎州都督後來屬

候州 晃州 樊州 稜州 添州 普寧州 功州 亮州

茂龍州 延州 訓州 卿州 貞觀十  
五置 雙城州 整州 懸州 撫

水州 縣四撫水古  
勞多達京水  
思源州 逸州 南平州 勳州 襲州 寶州 萬  
通天二年以昆  
明夷內附置 姜州 鴻州 縣五樂鴻思翁  
都部新庭臨川

年 江 唐

銀 盧 龍

右隸黔州都督府

嶺南道

諸蠻州九十二

紆州縣六東區吉陸賈歸思州縣五羅遵履博思順州縣三蕃水蕃州都伊思寮溫泉

州安南山都邦紆質溫泉郡土貢金縣述昆州土貢桂心縣五夷蒙格州夷水古桂臨山都隴

右隸桂州都督府

棧州縣八正平富平龍源思歸順州本歸淳元和初更名思剛州 侯州 歸誠州

倫州 石西州 思恩州 思同州 思明州縣一萬形州 萬

承州 上思州 談州 思琅州 波州 貞州 功饒州 萬

德州 左州 思誠州 錫州 歸樂州 青州 得州 七源州

右隸邕州都督府

德化州永泰二年以林觀符部郎茫州永泰二年以林觀符部龍武州大曆中以潘歸

龍丘縣四歸朝洛郡州土貢白蠟孔雀尾萬泉州縣一思農州縣三武郎

為州縣三都龍西原州縣三羅和林西州縣二林思廓州縣三都寧武靈州縣三

文葛甘縣三福祿新安州縣三歸化金廓州縣三羅嘉提上州縣三長賓甘棠州縣一武

定州縣三康林都金州縣四溫泉嘉諒州縣二武武陸州開成三年都護馬平原

州開成四年析都金州之平原龍州 武定州 眞州 信州 思陵州

祿州中宗時有單南平州 西平州 門州 餘州 歸州 金鄰州

儀鳳元年置暑州 羅伏州 儋陵州 樊德州 金龍州 哥富州貞

十二年置尚思州貞元十安德州貞元十

右隸安南都護府

蜀襄蠻州十八貞元七年

右隸峰州都督府

唐置羈縻諸州皆傍塞外或寓名於夷落而四夷之與中國通者



甚衆若將臣之所征討敕使之所慰賜宜有以記其所從出天寶中玄宗問諸蕃國遠近鴻臚卿王忠嗣以西域圖對纔十數國其後貞元宰相賈耽考方域道里之數最詳從邊州入四夷通譯于鴻臚者莫不畢紀其入四夷之路與關戍走集最要者七一曰營州入安東道二曰登州海行入高麗渤海道三曰夏州塞外通大同雲中道四曰中受降城入回鶻道五曰安西入西域道六曰安南通天竺道七曰廣州通海夷道其山川聚落封略遠近皆槩舉其目州縣有名而前所不錄者或夷狄所自名云

營州西北百里曰松陁嶺其西奚其東契丹距營州北四百里至湟水營州東百八十里至燕郡城又經汝羅守捉渡遼水至安東都護府五百里府故漢襄平城也東南至平壤城八百里西南至都里海口六百里至建安城三百里故中郭縣也南至鴨綠江北泊沟城七百里故安平縣也自都護府東北經古蓋牟新城又經渤海長嶺府千五百里至渤海王城城臨忽汗海其西南三十里有古肅慎城其北經德理鎮至南黑水靺鞨千里

登州東北海行過大謝島龜歆島末島烏湖島三百里北渡烏湖海至馬石山東之都里鎮二百里東傍海壩過青泥浦桃花浦杏花浦石人汪橐駝灣烏骨江八百里乃南傍海壩過烏牧島貝江口椒島得新羅西北之長口鎮又過秦王石橋麻田島古寺島得物島千里至鴨綠江唐恩浦口乃東南陸行七百里至新羅王城自鴨綠江口舟行百餘里乃小舫泝流東北三十里至泊沟口得渤海之境又泝流五百里至九都縣城故高麗王都又東北泝流二百里至神州又陸行四百里至顯州天寶中王所都又正北如東六百里至渤海王城

夏州北渡烏水經賀麟澤拔利干澤過沙次內橫剗沃野泊長澤  
白城百二十里至可朱渾水源又經故陽城澤橫剗北門突紇利  
泊石子嶺百餘里至阿顏泉又經大非苦鹽池六十六里至賀蘭  
驛又經庫也干泊彌鵝泊榆祿渾泊百餘里至地頽澤又經步拙  
泉故城八十八里渡烏那水經胡洛鹽池紇伏于泉四十八里度  
庫結沙一曰普納沙二十八里過橫水五十九里至十賁故城又  
十里至寧遠鎮又涉屯根水五十里至安樂戍戍在河西壩其東  
壩有古大同城今大同城故永濟柵也北經大泊十七里至金河  
又經故後魏沃野鎮城傍金河過古長城九十二里至吐俱麟川  
傍水行經破落汗山賀悅泉百三十一里至步越多山又東北二  
十里至纈特泉又東六十里至賀人山山西磧口有詰特犍泊吐  
俱麟川水西有城城東南經拔厥那山二百二十里至帝割達城

又東北至諾真水汭又東南百八十七里經古可汗城至鹽澤又  
東南經烏咄谷二百七十里至古雲中城又西五十五里有綏遠城  
皆靈夏以北蕃落所居

中受降城正北如東八十里有呼延谷谷南口有呼延柵谷北口  
有歸唐柵車道也入回鶻使所經又五百里至鷓鴣泉又十里入  
磧經慶鹿山鹿耳山錯甲山八百里至山鷲子井又西北經蜜粟  
山達旦泊野馬泊可汗泉橫嶺綿泉鏡泊七百里至回鶻衙帳又  
別道自鷓鴣泉北經公主城眉間城怛羅思山赤崖鹽泊渾義河  
爐門山木燭嶺千五百里亦至回鶻衙帳東有平野西據烏德鞬  
山南依噶昆水北六七百里至仙娥河河北岸有富貴城又正北  
如東過雪山松樺林及諸泉泊千五百里至骨利幹又西十三日  
行至都播部落又北六七日至堅昆部落有牢山劔水又自衙帳

東北渡仙娥河二千里至室韋骨利幹之東室韋之西有鞠部落亦曰穢部落其東十五日行有俞折國亦室韋部落又正北十日行有大漢國又北有骨師國骨利幹都播二部落北有小海冰堅時馬行八日可度海北多大山其民狀貌甚偉風俗類骨利幹晝長而夕短回鶻有延姪伽水一曰特延勒泊曰延特勒海烏德韃山左右噶昆河獨邏河皆屈曲東北流至衙帳東北五百里合流泊東北千餘里有俱倫泊泊之四面皆室韋

安西西出柘厥關渡白馬河百八十里西入俱毗羅磧經苦井百二十里至俱毗羅城又六十里至阿悉言城又六十里至撥換城一曰威戎城曰姑墨州南臨思渾河乃西北渡撥換河中河距思渾河百二十里至小石城又二十里至于闐境之胡蘆河又六十里至大石城一曰于祝曰溫肅州又西北三十里至粟樓烽又四

十里度拔達嶺又五十里至頓多城烏孫所治赤山城也又三十里度真珠河又西北度之驛嶺五十里度雪海又三十里至碎卜戍傍碎卜水五十里至燕海又四十里至凍城又百一十里至賀獵城又三十里至葉支城出谷至碎葉川口八十里至裴羅將軍城又西二十里至碎葉城城北有碎葉水水北四十里有錫丹山十姓可汗每立君長於此自碎葉西十里至米國城又三十里至新城又六十里至頓建城又五十里至阿史不來城又七十里至俱蘭城又十里至稅建城又五十里至怛羅斯城自撥換碎葉西南渡渾河百八十里至濟濁館故和平鋪也又經故達幹城百二十里至謁者館又六十里至據史德城龜茲境也一曰鬱頭州在赤河北岸孤石山渡赤河經岐山三百四十里至葭蘆館又經達漫城百四十里至疏勒鎮南北西三面皆有山城在水中城東又

海  
有漢城亦在灘上赤河來自疏勒西葛羅嶺至城西分流合于城  
東北入據史德界自撥換南而東經崑崗渡赤河又西南經神山  
睢陽鹹泊又南經疎樹九百三十里至于闐鎮城于闐西五十里  
有葦關又西經勃野西北渡繫館河六百二十里至鄧支滿城一  
曰磧南州又西北經苦井黃渠三百二十里至雙渠故羯飯館也  
又西北經半城百六十里至演渡州又北八十里至疏勒鎮自疏  
勒西南入劔末谷青山嶺青嶺不忍嶺六百里至葱嶺守捉故羯  
盤陀國開元中置守捉安西極邊之戍有寧彌故城一曰達德力  
城曰汗彌國曰拘彌城于闐東三百九十里建德力河東七百  
里有精絕國于闐西南三百八十里皮山城北與姑墨接凍凌  
山在于闐國西南七百里又于闐東三百里有坎城鎮東六百里  
有蘭城鎮南六百里有胡弩鎮西二百里有固城鎮西三百九十

里有吉良鎮于闐東距且末鎮千六百里自焉耆西五十里過鐵  
門關又二十里至于術守捉城又二百里至榆林守捉又五十里  
至龍泉守捉又六十里至東夷僻守捉又七十里至西夷僻守捉  
又六十里至赤岸守捉又百二十里至安西都護府又一路自沙  
州壽昌縣西十里至陽關故城又西至蒲昌海南岸千里自蒲昌  
海南岸西經七屯城漢伊脩城也又西八十里至石城鎮漢樓蘭  
國也亦名鄯善在蒲昌海南三百里康艷典爲鎮使以通西域者  
又西二百里至新城亦謂之弩支城艷典所築又西經特勒井渡  
且末河五百里至播仙鎮故且末城也高宗上元中更名又西經  
悉利支井祇井勿遮水五百里至于闐東蘭城守捉又西經移杜  
堡彭懷堡次城守捉三百里至于闐  
安南經交趾太平百餘里至峰州又經南田百三十里至恩樓縣

乃水行四十里至忠城州又二百里至多利州又三百里至朱貴州又四百里至丹棠州皆生獠也又四百五十里至古湧步水路距安南凡千五百五十里又百八十里經浮動山天井山山上夾道皆天井間不容跬者三十里二日行至湯泉州又五十里至祿索州又十五里至龍武州皆蠻蠻安南境也又八十三里至儻遲頓又經八平城八十里至洞澡水又經南亭百六十里至曲江劔南地也又經通海鎮百六十里渡海河利水至絳縣又八十里至晉寧驛戎州地也又八十里至柘東城又八十里至安寧故城又四百八十里至靈南城又八十里至白崖城又七十里至蒙舍城又八十里至龍尾城又十里至大和城又二十五里至羊苴咩城自羊苴咩城西至永昌故郡三百里又西渡怒江至諸葛亮城二百里又南至樂城二百里又入驃國境經萬公等八部落至悉利

城七百里又經突旻城至驃國千里又自驃國西度黑山至東天竺迦摩波國千六百里又西北渡迦羅都河至奔那伐檀那國六百里又西南至中天竺國東境恒河南岸羯朱噶羅國四百里又西至摩羯陀國六百里一路自諸葛亮城西去騰充城二百里又西至彌城百里又西過山二百里至麗水城乃西渡麗水龍泉水二百里至安西城乃西渡彌諾江水千里至大秦婆羅門國又西渡大嶺三百里至東天竺北界箇沒盧國又西南千二百里至中天竺國東北境之奔那伐檀那國與驃國往婆羅門路合一路自驪州東二日行至唐林州安遠縣南行經古羅江二日行至環王國之檀洞江又四日至朱崖又經單補鎮二日至環王國城故漢日南郡地也自驪州西南三日行度霧溫嶺又二日行至棠州日落縣又經羅倫江及古朗洞之石密山三日行至棠州文陽縣又

經蔡蔡澗四日行至文單國之算臺縣又三日行至文單外城又一日行至內城一日陸真臘其南水真臘又南至小海其南羅越國又南至大海

廣州東南海行二百里至屯門山乃帆風西行二日至九州石又南二日至象石又西南三日行至占不勞山山在環王國東二百里海中又南二日行至陵山又一日行至門毒國又一日行至古笮國又半日行至奔陀浪洲又兩日行到軍突弄山又五日行至海硤蕃人謂之質南北百里北岸則羅越國南岸則佛逝國佛逝國東水行四五日至訶陵國南中洲之最大者又西出硤三日至葛葛僧祇國在佛逝西北隅之別島國人多鈔暴乘船者畏憚之其北岸則箇羅國箇羅西則哥谷羅國又從葛葛僧祇四五行至勝鄧洲又西五日行至婆露國又六日行至婆國伽藍洲又北

四日行至師子國其北海岬距南天竺大岬百里又西四日行經沒來國南天竺之最南境又西北經十餘小國至婆羅門西境又西北二日行至拔颶國又十日行經天竺西境小國五至提颶國其國有彌蘭大河一日新頭河自北渤崑山來西流至提颶國北入于海又自提颶國西二十日行經小國二十餘至提羅盧和國一曰羅和異國國人於海中立華表夜則置炬其上使船人夜行不迷又西一日行至烏刺國乃大食國之弗利刺河南入于海小舟泝流二日至末羅國大食重鎮也又西北陸行千里至茂門王所都縛達城自婆羅門南境從沒來國至烏刺國皆緣海東岬行其西岬之西皆大食國其西最南謂之三蘭國自三蘭國正北二十日行經小國十餘至設國又十日行經小國六七至薩伊瞿和竭國當海西岬又西六七日行經小國六七至沒異國又西北十

日行經小國十餘至拔離訶磨難國又一日行至烏刺國與東岍  
路合西域有佗拔恩單國在疏勒西南二萬五千里東距勃達國  
西至涅滿國皆一月行南至羅刹支國半月行北至海兩月行羅  
刹支國東至都槃國半月行西至沙蘭國南至大食國皆二十日  
行都槃國東至大食國半月行南至大食國二十五日行北至勃  
達國一月行勃達國東至大食國兩月行西北至岐蘭國二十日  
行北至大食國一月行河沒國東南至陀拔國半月行西北至岐  
蘭國二十日行南至沙蘭國一月行北至海兩月行岐蘭國西至  
大食國兩月行南至涅滿國二十日行北至海五日行涅滿國西  
至大食國兩月行南至大食國一月行北至岐蘭國二十日行沙  
蘭國南至大食國二十五日行北至涅滿國二十五日行石國東  
至拔汗那國百里西南至東米國五百里罽賓國在疏勒西南四  
千里東至俱蘭城國七百里西至大食國千里南至婆羅門國五  
百里北至吐火羅國二百里東米國在安國西北二千里東至碎  
葉國五千里西南至石國千五百里南至拔汗那國千五百里史  
國在疏勒西二千里東至俱蜜國千里西至大食國二千里南至  
吐火羅國二百里西北至康國七百里

地理志第三十三下

藝川地鳳堂  
氏雷南甫

唐書四十三

選舉志第三十四

藝川地鳳堂  
氏雷南甫

唐書四十四

唐制取士之科多因隋舊然其大要有三由學館者曰生徒由州縣者曰鄉貢皆升于有司而進退之其科之目有秀才有明經有俊士有進士有明法有明字有明算有一史有三史有開元禮有道舉有童子而明經之別有五經有三經有二經有學究一經有三禮有三傳有史科此歲舉之常選也其天子自詔者曰制舉所以待非常之才焉凡學六皆隸于國子監國子學生三百人以文武三品以上子孫若從二品以上曾孫及勳官二品縣公京官四品帶三品勳封之子為之太學生五百人以五品以上子孫職事官五品其親若三品曾孫及勳官三品以上有封之子為之四門學生千三百人其五百人以勳官三品以上無封四品有封及文武七品以上子為之八百人以庶人之俊異者為之律學生五十



人書學生三十人算學生三十人以八品以下子及庶人之通其  
學者爲之京都學生八十人大都督中都督府上州各六十人下  
都督府中州各五十人下州四十人京縣五十人上縣四十人中  
縣中下縣各三十五人下縣二十人國子監生尚書省補祭酒統  
焉州縣學生州縣長官補長史主焉凡館二門下省有弘文館生  
三十人東宮有崇文館生二十人以皇總麻以上親皇太后皇后  
大功以上親宰相及散官一品功臣身食實封者京官職事從三  
品中書黃門侍郎之子爲之凡博士助教分經授諸生未終經者  
無易業凡生限年十四以上十九以下律學十八以上二十五以  
下凡禮記春秋左氏傳爲大經詩周禮儀禮爲中經易尚書春秋  
公羊傳穀梁傳爲小經通二經者大經小經各一若中經二通三  
經者大經中經小經各一通五經者大經皆通餘經各一孝經論

幅

語皆兼通之凡治孝經論語共限一歲尚書公羊傳穀梁傳各一  
歲半易詩周禮儀禮各二歲禮記左氏傳各三歲學書日紙一曰  
間習時務策讀國語說文字林三蒼爾雅凡書學石經三體限三  
歲說文二歲字林一歲凡算學孫子五曹共限一歲九章海島共  
三歲張丘建夏侯陽各一歲周髀五經算共一歲綴術四歲緝古  
三歲記遺三等數皆兼習之旬給假一日前假博士考試讀者千  
言試一帖帖三言講者二千言問大義一條總三條通二爲第不  
及者有罰歲終通一年之業口問大義十條通八爲上六爲中五  
爲下併三下與在學九歲律生六歲不堪貢者罷歸諸學生通二  
經俊士通三經已及第而願畱者四門學生補太學太學生補國  
子學每歲五月有田假九月有授衣假二百里外給程其不帥教  
及歲中違程滿三十日事故百日緣親病二百日皆罷歸既罷條

其狀下之屬所五品以上子孫送兵部準蔭配色每歲仲冬州縣館監舉其成者送之尚書省而舉選不繇館學者謂之鄉貢皆懷牒自列于州縣試已長吏以鄉飲酒禮會屬僚設賓主陳俎豆備管絃牲用少牢歌鹿鳴之詩因與耆艾敘長少焉既至省皆疏名列到結款通保及所居始由戶部集閱而關於考功員外郎試之凡秀才試方略策五道以文理通粗爲上上中上下中上凡四等爲及第凡明經先帖文然後口試經問大義十條答時務策三道亦爲四等凡開元禮通大義百條策三道者超資與官義通七十策通二者及第散試官能通者依正員凡三傳科左氏傳問大義五十條公羊穀梁傳三十條策皆三道義通七以上策通二以上爲第白身視五經有出身及前資官視學究一經凡史科每史問大義百條策三道義通七策通二以上爲第能通一史者白身

視五經三傳有出身及前資官視學究一經三史皆通者獎擢之凡童子科十歲以下能通一經及孝經論語卷誦文十通者予官通七予出身凡進士試時務策五道帖一大經經策全通爲甲第策通四帖過四以上爲乙第凡明法試律七條令三條全通爲甲第通八爲乙第凡書學先口試通乃墨試說文字林二十條通十八爲第凡算學錄大義本條爲問答明數造術詳明術理然後爲通試九章三條海島孫子五曹張丘建夏侯陽周髀五經算各一條十通六記遺三等數帖讀十得九爲第試綴術緝古錄大義爲問答者明數造術詳明術理無注者合數造術不失義理然後爲通綴術七條緝古三條十通六記遺三等數帖讀十得九爲第落經者雖通六不第凡弘文崇文生試一大經一小經或二中經或史記前後漢書三國志各一或時務策五道經史皆試策十道經

通六史及時務策通三皆帖孝經論語共十條通六爲第凡貢舉非其人者廢舉者校試不以實者皆有罰其教人取士著於令者大略如此而士之進取之方與上之好惡所以育材養士招來獎進之意有司選士之法因時增損不同自高祖初入長安開大丞相府下令置生員自京師至于州縣皆有數既即位又詔祕書外省別立小學以教宗室子孫及功臣子弟其後又詔諸州明經秀才俊士進士明於理體爲鄉里稱者縣考試州長重覆歲隨方物入貢吏民子弟學藝者皆送于京學爲設考課之法州縣鄉皆置學焉及太宗卽位益崇儒術乃於門下別置弘文館又增置書律學進士加讀經史一部十三年東宮置崇文館自天下初定增築學舍至千二百區雖七營飛騎亦置生遣博士爲授經四夷若高麗百濟新羅高昌吐蕃相繼遣子弟入學遂至八千餘人高宗永

徽二年始停秀才科龍朔二年東都置國子監明年以書學隸蘭臺算學隸祕閣律學隸詳刑上元二年加試貢士老子策明經二條進士三條國子監置大成二十人取已及第而聰明者爲之試書日誦千言并日試策所業十通七然後補其祿俸同直官通四經業成上於尚書吏部試之登第者加一階放選其不第則習業如初三歲而又試三試而不中第從常調永隆二年考功員外郎劉思立建言明經多抄義條進士唯誦舊策皆亡實才而有司以人數充第乃詔自今明經試帖麤十得六以上進士試雜文二篇通文律者然後試策武后之亂改易舊制頗多中宗反正詔宗室三等以下五等以上未出身願宿衛及任國子生聽之其家居業成而堪貢者宗正寺試送監舉如常法三衛番下日願入學者聽附國子學太學及律館習業蕃王及可汗子孫願入學者附國子

學讀書玄宗開元五年始令鄉貢明經進士見訖國子監謁先師  
 學官開講問義有司為具食清資五品以上官及朝集使皆往閱  
 禮焉七年又令弘文崇文國子生季一朝參及注老子道德經成  
 詔天下家藏其書貢舉人減尚書論語策而加試老子又敕州縣  
 學生年二十五以下八品子若庶人二十一以下通一經及未通  
 經而聰悟有文辭史學者入四門學為俊士即諸州貢舉省試不  
 第願入學者亦聽二十四年考功員外郎李昂為舉人詆訶帝以  
 員外郎望輕遂移貢舉於禮部以侍郎主之禮部選士自此始二  
 十九年始置崇玄學習老子莊子文子列子亦曰道舉其生京都  
 各百人諸州無常貢官秩蔭第同國子舉送課試如明經天寶九  
 載置廣文館於國與以領生徒為進士者舉人舊重兩監後世祿  
 者以京兆同華為榮而不入學十二載乃敕天下罷鄉貢舉人不

由國子及郡縣學者勿舉送是歲道舉停老子加周易十四載復  
 鄉貢代宗廣德二年詔曰古者設太學教胄子雖年穀不登兵革  
 或動而俎豆之事不廢頃年戎車屢駕諸生輟講宜追學生在館  
 習業度支給廚米是歲賈至為侍郎建言歲方艱歉舉人赴省者  
 兩都試之兩都試人自此始貞元二年詔習開元禮者舉同一經  
 例明經習律以代爾雅是時弘文崇文生未補者務取貢闕以補  
 速於登第而用蔭乖實至有假市門資變易昭穆及假人試藝者  
 六年詔宜據式考試假代者論如法初禮部侍郎親故移試考功  
 謂之別頭十六年中書舍人高郢奏罷議者是之元和二年置東  
 都監生一百員然自天寶後學校益廢生徒流散永泰中雖置西  
 監生而館無定員於是始定生員西京國子館生八十人太學七  
 十人四門三百人廣文六十人律館二十人書算館各十人東都

國子館十人太學十五人四門五十人廣文十人律館十人書館  
三人算館二人而已明經停口義復試墨義十條五經取通五明  
經通六其嘗坐法及爲州縣小吏雖藝文可采勿舉十三年權知  
禮部侍郎庾承宣奏復考功別頭試初開元中禮部考試畢送中  
書門下詳覆其後中廢是歲侍郎錢徽所舉送覆試多不中選由  
是貶官而舉人雜文復送中書門下長慶三年侍郎王起言故事  
禮部已放榜而中書門下始詳覆今請先詳覆而後放榜議者以  
起雖避嫌然失貢職矣諫議大夫殷侑言三史爲書勸善懲惡亞  
於六經比來史學都廢至有身處班列而朝廷舊章莫能知者於  
是立史科及三傳科太和三年高錯爲考功員外郎取士有不當  
監察御史姚中立又奏停考功別頭試六年侍郎賈餗又奏復之  
八年宰相王涯以爲禮部取士乃先以榜示中書非至公之道自

今一委有司以所試雜文鄉貫三代名諱送中書門下大抵衆科  
之目進士尤爲貴其得人亦最爲盛焉方其取以辭章類若浮文  
而少實及其臨事設施奮其事業隱然爲國名臣者不可勝數遂  
使時君篤意以謂莫此之尚及其後世俗益媮薄上下交疑因以  
謂按其聲病可以爲有司之責捨是則汗漫而無所守遂不復能  
易嗚呼乃知三代鄉里德行之舉非至治之隆莫能行也太宗時  
冀州進士張昌齡王公謹有名於當時考功員外郎王師旦不署  
以第太宗問其故對曰二人者皆文采浮華擢之將誘後生而弊  
風俗其後二人者卒不能有立寶應二年禮部侍郎楊綰上疏言  
進士科起於隋大業中是時猶試策高宗朝劉思立加進士雜文  
明經填帖故爲進士者皆誦當代之文而不通經史明經者但記  
帖括又投牒自舉非古先哲王仄席待賢之道請依古察孝廉其

鄉閭孝友信義廉恥而通經者縣薦之州州試其所通之學送于  
 省自縣至省皆勿自投牒其到狀保辨識牒皆停而所習經取大  
 義聽通諸家之學每問經十條對策三道皆通為上第吏部官之  
 經義通八策通二為中第與出身下第罷歸論語孝經孟子兼為  
 一經其明經進士及道舉並停詔給事中李栖筠李廙尚書左丞  
 賈至京兆尹兼御史大夫嚴武議栖筠等議曰夏之政忠商之政  
 敬周之政文然則文與忠敬皆統人行且謚號述行莫美於文文  
 興則忠敬存焉故前代以文取士本文行也由辭觀行則及辭焉  
 宣父稱顏子不遷怒不貳過謂之好學今試學者以帖字為精通  
 不窮旨義豈能知遷怒貳過之道乎考文者以聲病為是非豈能  
 知移風易俗化天下乎是以上失其源下襲其流先王之道莫能  
 行也夫先王之道消則小人之道長亂臣賊子由是生焉今取士

試之小道而不以遠大是猶以蝸蚓之餌垂海而望吞舟之魚不  
 亦難乎所以食垂餌者皆小魚就科目者皆小藝且夏有天下四  
 百載禹之道喪而商始興商有天下六百祀湯之法棄而周始興  
 周有天下八百年文武之政廢而秦始并焉三代之選士任賢皆  
 考實行是以風俗淳一運祚長遠漢興監其然尊儒術尚名節雖  
 近戚竊位彊臣擅權弱主外立母后專政而亦能終彼四百豈非  
 學行之効邪魏晉以來專尚浮侈德義不修故子孫速顛享國不  
 永也今縮所請實為正論然自晉室之亂南北分裂人多僑處必  
 欲復古鄉舉里選竊恐未盡請兼廣學校以明訓誘雖京師州縣  
 皆有小學兵革之後生徒流離儒臣師氏祿廩無向請增博士員  
 厚其廩稍選通儒碩生間居其職十道大郡置太學館遣博士出  
 外兼領郡官以教生徒保桑梓者鄉里舉焉在流寓者庠序推焉

朝而行之夕見其利而大臣以爲舉人循習難於速變請自來歲始帝以問翰林學士對曰舉進士久矣廢之恐失其業乃詔明經進士與孝廉兼行先是進士試詩賦及時務策五道明經策三道建中二年中書舍人趙贊權知貢舉乃以箴論表贊代詩賦而皆試策三道太和八年禮部復罷進士議論而試詩賦文宗從內出題以試進士謂侍臣曰吾患文格浮薄昨自出題所試差勝乃詔禮部歲取登第者三十人苟無其人不必充其數是時文宗好學嗜古鄭覃以經術位宰相深嫉進士浮薄屢請罷之文宗曰敦厚浮薄色色有之進士科取人二百年矣不可遽廢因得不罷武宗卽位宰相李德裕尤惡進士初舉人旣及第綴行通名詣主司第謝其制序立西階下北上東向主人席東階下西向諸生拜主司荅拜乃敘齒謝恩遂升階與公卿觀者皆坐酒數行乃赴期集又

有曲江會題名席至是德裕奏國家設科取士而附黨背公自爲門生自今一見有司而止其期集參謁曲江題名皆罷德裕嘗論公卿子弟艱於科舉武宗曰向聞楊虞卿兄弟朋比貴勢妨平進之路昨黜楊知至鄭朴等抑其太甚耳有司不識朕意不放子弟卽過矣但取實藝可也德裕曰鄭肅封敖子弟皆有才不敢應舉臣無名第不當非進士然臣祖天寶末以仕進無他岐勉彊隨計一舉登第自後家不置文選蓋惡其不根藝實然朝廷顯官須公卿子弟爲之何者少習其業日熟朝廷事臺閣之儀不教而自成寒士縱有出人之才固不能閑習也則子弟未易可輕德裕之論偏異蓋如此然進士科當唐之晚節尤爲浮薄世所共患也所謂制舉者其來遠矣自漢以來天子嘗稱制詔道其所欲問而親策之唐興世崇儒學雖其時君賢愚好惡不同而樂善求賢之意未

始少怠故自京師外至州縣有司常選之士以時而舉而天子又自詔四方德行才能文學之士或高蹈幽隱與其不能自達者下至軍謀將略翹關拔山絕藝奇伎莫不兼取其為名目隨其人主臨時所欲而列為定科者如賢良方正直言極諫博通墳典達於教化軍謀宏遠堪任將率詳明政術可以理人之類其名最著而天子巡狩行幸封禪太山梁父往往會見行在其所以待之之禮甚優而宏材偉論非常之人亦時出於其間不為無得也其外又有武舉蓋其起於武后之時長安二年始置武舉其制有長垛馬射步射平射筒射又有馬槍翹關負重身材之選翹關長丈七尺徑三寸半凡十舉後手持關距出處無過一尺負重者負米五斛行二十步皆為中第亦以鄉飲酒禮送兵部其選用之法不足道故不復書

選舉志第三十四

藝文志卷之四十四

唐書四十四

選舉志第三十五

藝文志卷之四十五

唐書四十五

凡選有文武文選吏部主之武選兵部主之皆為三銓尚書侍郎分主之凡官員有數而署置過者有罰知而聽者有罰規取者有罰每歲五月頒格于州縣選人應格則本屬或故任取選解列其罷免善惡之狀以十月會于省過其時者不敘其以時至者乃考其功過同流者五五為聯京官五人保之一人識之刑家之子工賈異類及假名承偽隱冒升降者有罰文書粟錯隱倖者駁放之非隱幸則不凡擇人之法有四一曰身體貌豐偉二曰言言辭辯正三曰書楷法道美四曰判文理優長四事皆可取則先德行德均以才才均以勞得者為畱不得者為放五品以上不試上其名中書門下六品以下始集而試觀其書判已試而銓察其身言已銓而注詢其便利而擬已注而唱不厭者得反通其辭三唱而不



厭聽冬集厭者爲甲上于僕射乃上門下省給事中讀之黃門侍郎省之侍中審之然後以聞主者受旨而奉行焉謂之奏受視品及流外則判補皆給以符謂之告身凡官已受成皆廷謝凡試判登科謂之入等甚拙者謂之藍縷選未滿而試文三篇謂之宏辭試判三條謂之拔萃中者卽授官凡出身嗣王郡王從四品下親王諸子封郡公者從五品上國公正六品上郡公正六品下縣公從六品上侯正七品上伯正七品下子從七品上男從七品下皇帝總麻以上親皇太后期親正六品上皇太后大功皇后期親從六品上皇帝袒免皇太后小功總麻皇后大功親正七品上皇后小功總麻皇太子妃期親從七品上外戚皆以服屬降二階敘娶郡主者正六品上娶縣主者正七品上郡主子從七品上縣主子從八品上凡用蔭一品子正七品上二品子正七品下三品子從

七品上從三品子從七品下正四品子正八品上從四品子正八品下正五品子從八品上從五品及國公子從八品下凡品子任雜掌及王公以下親事帳內勞滿而選者七品以上子從九品上敘其任流外而應入流內敘品卑者亦如之九品以上及勳官五品以上子從九品下敘三品以上蔭曾孫五品以上蔭孫降子一等曾孫降孫一等贈官降正官一等死事者與正官同郡縣公子視從五品孫縣男以上子降一等勳官二品子又降一等二王後孫視正三品凡秀才上上第正八品上上中第正八品下上下第從八品上中上第從八品下明經上上第從八品下上中第正九品上上下第正九品下中上第從九品下進士明法甲第從九品上乙第從九品下弘文崇文館生及第亦如之應入五品者以聞書算學生從九品下敘凡弘文崇文生皇總麻以上親皇太后

皇太后大功以上親一家聽二人選職事二品以上散官一品中書門下正三品同三品六尚書等子孫并姪功臣身食實封者子孫一蔭聽二人選京官職事正三品同中書門下平章事供奉官三品子孫京官職事從三品中書黃門侍郎并供奉三品官帶四品五品散官子一蔭一人凡勲官選者上柱國正六品敘六品而下遞降一階驍騎尉武騎尉從九品上敘凡居官必四考四考中中進年勞一階敘每一考中上進一階上下二階上中以上及計考應至五品以上奏而別敘六品以下遷改不更選及守五品以上官年勞歲一敘給記階牒考多者準考累加凡醫術不過尚藥奉御陰陽卜筮圖畫工巧造食音聲及天文不過本色局署令鴻臚譯語不過典客署令凡千牛備身備身左右五考送兵部試有文者送吏部凡齋郎太廟以五品以上子孫及六品職事并清官子

爲之六考而滿郊社以六品職事官子爲之八考而滿皆讀兩經粗通限年十五以上二十以下擇儀狀端正無疾者武選凡納課品子歲取文武六品以下勲官三品以下五品以上子年十八以上每州爲解上兵部納課十三歲而試第一等送吏部第二等留本司第三等納資二歲第四等納資三歲納已復試量文武授散官若考滿不試免當年資遭喪免資無故不輸資及有犯者放還之凡捉錢品子無違負滿二百日本屬以簿附朝集使上于考功兵部滿十歲量文武授散官其視品國官府佐應停者依品子納課十歲而試凡一歲爲一選自一選至十二選視官品高下以定其數因其功過而增損之初武德中天下兵革新定士不求祿官不充負有司移符州縣課人赴調遠方或賜衣續食猶辭不行至則授用無所黜退不數年求者寔多亦頗加簡汰貞觀二年侍郎

劉林甫言隋制以十一月爲選始至春乃畢今選者衆請四時注擬十九年馬周以四時選爲勞乃復以十一月選至三月畢太宗嘗謂攝吏部尚書杜如晦曰今專以言辭刀筆取人而不悉其行至後敗職雖刑戮之而民已敝矣乃欲放古令諸州辟召會功臣行世封乃止它日復顧侍臣曰致治之術在於得賢今公等不知人朕又不能徧識日月其逝而人遠矣吾將使人自舉可乎而魏徵以爲長澆競又止初銓法簡而任重高宗總章二年司列少常伯裴行儉始設長名榜引銓注法復定州縣升降爲八等其三京五府都護都督府悉有差次量官資授之其後李敬玄爲少常伯委事於貞外郎張仁禕仁禕又造姓曆改狀樣銓曆等程式而銓總之法密矣然是時仕者衆庸愚咸集有僞主符告而矯爲官者有接承他名而參調者有遠人無親而置保者試之日冒名代進

或旁坐假手或借人外助多非其實雖繁設等級遞差選限增謹犯之科開糾告之令以遏之然猶不能禁大率十人競一官餘多委積不可遣有司患之謀爲黜落之計以僻書隱學爲判目無復求人之意而吏求貨賄出入升降至武后時天官侍郎魏玄同深嫉之因請復古辟署之法不報初試選人皆糊名令學士考判武后以爲非委任之方罷之而其務收人心士無賢不肖多所進獎長安二年舉人授拾遺補闕御史著作佐郎大理評事衛佐凡百餘人明年引見風俗使舉人悉授試官高者至鳳閣舍人給事中次貞外郎御史補闕拾遺校書郎試官之起自此始時李嶠爲尚書又置貞外郎二千餘貞悉用勢家親戚給俸祿使釐務至與正官爭事相毆者又有檢校勅攝判知之官神龍二年嶠復爲中書令始悔之乃停貞外官釐務中宗時韋后及太平安樂公主等用

事於側門降墨勅斜封授官號斜封官凡數千員內外盈溢無聽  
事以居當時謂之三無坐處言宰相御史及員外郎也又以鄭愔  
爲侍郎大納貨賂選人畱者甚衆至逆用三年員闕而綱紀大潰  
韋氏敗始以宋璟爲吏部尚書李乂盧從愿爲侍郎姚元之爲兵  
部尚書陸象先盧懷慎爲侍郎悉奏罷斜封官量闕畱人雖資高  
考深非才實者不取初尚書銓掌七品以上選侍郎銓掌八品以  
下選至是通其品而掌焉未幾璟元之等罷殿中侍御史崔涖太  
子中允薛昭希太平公主意上言罷斜封官人失其所而怨積於  
下必有非常之變乃下詔盡復斜封別勅官玄宗卽位厲精爲治  
左拾遺內供奉張九齡上疏言縣令刺史陛下所與共理尤親於  
民者也今京官出外乃反以爲斥逐非少重其選不可又曰古者  
或遙聞辟召或一見任之是以士脩名行而流品不雜今吏部始

造簿書以備遺忘而反求精於案牘不急人才何異遺劍中流而  
刻舟以記於是下詔擇京官有善政者補刺史歲十月按察使校  
殿最自第一至第五校考使及戶部長官總覈之以爲升降凡官  
不歷州縣不擬臺省已而悉集新除縣令宣政殿親臨問以治人  
之策而擢其高第者又詔員外郎御史諸供奉官皆進名勅授而  
兵吏部各以員外郎一人判南曹由是銓司之任輕矣其後戶部  
侍郎宇文融又建議置十銓乃以禮部尚書蘇頲等分主之太子  
左庶子吳兢諫曰易稱君子思不出其位言不侵官也今以頲等  
分掌吏部選而天子親臨決之尚書侍郎皆不聞參議者以爲萬  
乘之君下行選事帝悟遂復以三銓還有司開元十八年侍中裴  
光庭兼吏部尚書始作循資格而賢愚一槩必與格合乃得銓授  
限年躡級不得踰越於是久淹不收者皆便之謂之聖書及光庭

唐書四十五  
卒中書令蕭嵩以爲非求材之方奏罷之乃下詔曰凡人年三十  
而出身四十乃得從事更造格以分寸爲差若循新格則六十未  
離一尉自今選人業優異有操行及遠郡下寮名迹稍著者吏  
部隨材甄擢之初諸司官兼知政事者至日午後乃還本司視事  
兵部吏部尚書侍郎知政事者亦還本司分闕注唱開元以來宰  
相位望漸崇雖尚書知政事亦於中書決本司事以自便而左右  
相兼兵部吏部尚書者不自銓總又故事必三銓三注三唱而後  
擬官季春始畢乃過門下省楊國忠以右相兼文部尚書建議選  
人視官資書判狀迹功優宜對衆定畱放乃先遣吏密定員闕一  
日會左相及諸司長官於都堂注唱以誇神速由是門下過官三  
銓注官之制皆廢侍郎主試判而已肅代以後兵興天下多故官  
員益濫而銓法無可道者至德宗時試太常寺協律郎沈旣濟極

言其弊曰近世爵祿失之者久其失非他四太而已入仕之門太  
多世胄之家太優祿利之資太厚督責之令太薄臣以爲當輕其  
祿利重其督責夫古今選用之法九流常敘有三科而已曰德也  
才也勞也而今選曹皆不及焉且吏部甲令雖曰度德居任量才  
授職計勞升敘然考校之法皆在書判簿曆言辭俯仰之間侍郎  
非通神不可得而知則安行徐言非德也空文善書非才也累資  
積考非勞也苟執不失猶乖得人況衆流茫茫耳目有不足者乎  
蓋非鑒之不明非擇之不精法使然也王者觀變以制法察時而  
立政按前代選用皆州府察舉至于齊隋署置多由請託故當時  
議者以爲與其率私不若自舉與其外濫不若內收是以罷州府  
之權而歸於吏部此矯時懲弊之權法非經國不刊之常典令吏  
部之法感矣不可以坐守利弊臣請五品以上及群司長官宰臣

進敘吏部兵部得參議焉六品以下或僚佐之屬聽州府辟用則銓擇之任委於四方結奏之成歸於二部必先擇牧守然後授其權高者先署而後聞卑者聽版而不命其牧守將帥或選用非公則吏部兵部得察而舉之聖主明目達聰遐聽遐視罪其私冒不愼舉者小加譴黜大正刑典責成授任誰敢不勉夫如是則接名僞命之徒菲才薄行之人貪叨賄貨懦弱姦宄下詔之日隨聲而廢通大數十去八九矣如是人少而負寬事覈而官審賢者不獎而自進不肖者不抑而自退或曰開元天寶中不易吏部之法而天下砥平何必外辟方臻于理臣以爲不然夫選舉者經邦之一端雖制之有美惡而行之由法令是以州郡察舉在兩漢則理在魏齊則亂吏部選集在神龍景龍則紊在開元天寶則理當其時久承升平御以法術慶賞不軼威刑必齊由是而理匪用吏部而

臻此也況以此時用辟召之法則理不益久乎天子雖嘉其言而重於改作訖不能用初吏部歲常集人其後三數歲一集選人猥至文簿紛雜吏因得以爲姦利士至蹉跌或十年不得官而闕員亦累歲不補陸贄爲相乃懲其弊命吏部據內外員三分之計闕集人歲以爲常是時河西隴右没于虜河南河北不上計吏員大率減天寶三之一而入流者加一故士人二年居官十年待選而考限遷除之法寔壞憲宗時宰相李吉甫定考遷之格諸州刺史次赤府少尹次赤令諸陵令五府司馬上州以上上佐東宮官詹事諭德以下王府官四品以上皆五考侍御史十三月殿中侍御史十八月監察御史二十五月三省官諸道勅補檢校五品以上及臺省官皆三考餘官四考文武官四品以下五考凡遷尚書省四品以上文武官三品以上皆先奏唐取人之路蓋多矣方其盛

時著於令者納課品子萬人諸館及州縣學六萬三千七十人太  
史曆生三十六人天文生百五十人太醫藥童針呪諸生二百一  
十一人太卜筮三十人千牛備身八十人備身左右二百五十  
六人進馬十六人齋郎八百六十二人諸衛三衛監門直長三萬  
九千四百六十二人諸屯主副千九百八十八人諸折衝府錄事府史  
一千七百八十二人校尉三千五百六十四人執仗執乘每府三  
十二人親事帳內萬人集賢院御書手百人史館典書楷書四十  
一人尚藥童三十人諸臺省寺監軍衛坊府之胥史六千餘人凡  
此者皆入官之門戶而諸司主祿已成官及州縣佐史未敘者不  
在焉至於銓選其制不一凡流外兵部禮部舉人郎官得自主之  
謂之小選太宗時以歲旱穀貴東人選者集于洛州謂之東選高  
宗上元二年以嶺南五管黔中都督府得卽任土人而官或非其  
才乃遣郎官御史爲選補使謂之南選其後江南淮南福建大抵  
因歲水旱皆遣選補使卽選其人而廢置不常選法又不著故不  
復詳焉

選舉志第三十五終

藝文志卷之四十五  
氏書定本

唐書四十五

百官志第三十六

藝文志卷之四十六  
氏書定本

唐書四十六

唐之官制其名號祿秩雖因時增損而大抵皆沿隋故其官司之別曰省曰臺曰寺曰監曰衛曰府各統其屬以分職定位其辨貴賤敘勞能則有品有爵有勳有階以時考覈而升降之所以任群材治百事其為法則精而密其施於事則簡而易行所以然者由職有常守而位有常負也方唐之盛時其制如此蓋其始未嘗不欲立制度明紀綱為萬世法而常至於交侵紛亂者由其時君不能慎守而徇一切之苟且故其事愈繁而官益冗至失其職業而卒不能復初太宗省內外官定制為七百三十員曰吾以此待天下賢材足矣然是時已有員外置其後又有特置同正員至於檢校兼守判知之類皆非本制又有置使之名或因事而置事已則罷或遂置而不廢其名類繁多莫能徧舉自中世已後盜起兵興



又有軍功之官遂不勝其濫矣故採其綱目條理可爲後法及事雖非正後世遵用因仍而不能改者著于篇宰相之職佐天子總百官治萬事其任重矣然自漢以來位號不同而唐世宰相名尤不正初唐因隋制以三省之長中書令侍中尚書令共議國政此宰相職也其後以太宗嘗爲尚書令臣下避不敢居其職由是僕射爲尚書省長官與侍中中書令號爲宰相其品位旣崇不欲輕以授人故常以他官居宰相職而假以他名自太宗時杜淹以吏部尚書參議朝政魏徵以祕書監參預朝政其後或曰參議得失參知政事之類其名非一皆宰相職也貞觀八年僕射李靖以疾辭位詔疾小瘳三兩日一至中書門下平章事而平章事之名蓋起於此其後李勣以太子詹事同中書門下三品謂同侍中中書令也而同三品之名蓋起於此然二名不專用而它官居職者猶

假它名如故自高宗已後爲宰相者必加同中書門下三品雖品高者亦然惟三公三師中書令則否其後改易官名而張文瓘以東臺侍郎同東西臺三品同三品入銜自文瓘始永淳元年以黃門侍郎郭待舉兵部侍郎岑長倩等同中書門下平章事平章事入銜自待舉等始自是以後終唐之世不能改初三省長官議事于門下省之政事堂其後裴炎自侍中遷中書令乃徙政事堂於中書省開元中張說爲相又改政事堂號中書門下列五房于其後一曰吏房二曰樞機房三曰兵房四曰戶房五曰刑禮房分曹以主衆務焉宰相事無不統故不以一職名官自開元以後常以領他職實欲重其事而反輕宰相之體故時方用兵則爲節度使時崇儒學則爲大學士時急財用則爲鹽鐵轉運使又其甚則爲延資庫使至於國史太清宮之類其名頗多皆不足取法故不著

其詳學士之職本以文學言語被顧問出入侍從因得參謀議納諫諍其禮尤寵而翰林院者待詔之所也唐制乘輿所在必有文祠經學之士下至小醫伎術之流皆直於別院以備宴見而文書詔令則中書舍人掌之自太宗時名儒學士時時召以草制然猶未有名號乾封以後始號北門學士玄宗初置翰林待詔以張說陸堅張九齡等為之掌四方表疏批答應和文章既而又以中書務劇文書多壅滯乃選文學之士號翰林供奉與集賢院學士分掌制詔書勅開元二十六年又改翰林供奉為學士別置學士院專掌內命凡拜免將相號令征伐皆用白麻其後選用益重而禮遇益親至號為內相又以為天子私人凡充其職者無定員自諸曹尚書下至校書郎皆得與選入院一歲則遷知制誥未知制詔者不作文書班次各以其官內宴則居宰相之下一品之上憲宗

時又置學士承旨唐之學士弘文集賢分隸中書門下省而翰林學士獨無所屬故附列於此云

三師三公

太師太傅太保各一人是為三師太尉司徒司空各一人是為三公皆正一品三師天子所師法無所總職非其人則闕三公佐天子理陰陽平邦國無所不統親王拜者不親事祭祀闕則攝隋廢三師貞觀

十一年復置與三公皆不設官屬

尚書省尚書令一人正二品掌典領百官其屬有六尚書一曰吏

部二曰戶部三曰禮部四曰兵部五曰刑部六曰工部六尚書兵部吏部為前行刑部

戶部為中行工部禮部為後行行總四司以本行為頭司餘為子司庶務皆會決焉凡上之逮下其制有六二曰

制二曰敕三曰冊天子用之四曰令皇太子用之五曰教親王公主用之六曰符省下於州州下於縣縣下於鄉下之達上其制有

六一曰表二曰狀三曰牋四曰啟五曰辭六曰牒諸司相質其制  
有三一曰關二曰刺三曰移凡授內外百官之事皆印其發日為  
程一曰受二曰報諸州計奏達京師以事大小多少為之節凡符  
移關牒必遣於都省乃下天下大事不決者皆上尚書省凡制敕  
計奏之數省符宣告之節以歲終為斷龍朔二年改尚書省曰中臺廢尚書令  
尚書曰太常伯侍郎曰少常伯光宅元  
年改尚書省曰文昌臺俄曰文昌都省  
垂拱元年曰都臺長安三年曰中臺

左右僕射各一人從二品掌統理六官為令之貳令闕則總省事

劾御史糾不當者龍朔二年改左右僕射曰左右匡政光宅元年曰  
文昌左右相開元元年曰左右丞相天寶元年復

左丞一人正四品上右丞一人正四品下掌辨六官之儀糾正省  
內劾御史舉不當者吏部戶部禮部左丞總焉兵部刑部工部右  
丞總焉郎中各一人從五品上員外郎各一人從六品上掌付諸  
司之務舉稽違署符日知宿直為丞之貳以都事受事發辰察稽

失監印給紙筆以主事令史書令史署覆文案出符日以亭長啓

閉傳禁約以掌固守當倉庫及陳設諸司皆如之隋尚書省諸司郎及承  
務郎各一人而廢左右

司武德三年改諸司郎為郎中承務郎為員外郎貞觀元年復置左右司郎中龍朔元年改左右  
丞曰左右肅機郎中曰左右承務諸司郎中曰大夫永昌元年復置員外郎神龍元年省明年復  
置初有駟驛百人  
掌乘傳送符後廢

都事各六人從七品上主事各六人從八品下吏部考功禮部主  
書皆如之諸司主事從九品上有令史各十八人書令史各三十  
六人亭長各六人掌固各十四人

吏部尚書一人正三品侍郎二人正四品上郎中二人正五品上  
員外郎二人從六品上掌文選勳封考課之政以三銓之法官天  
下之材以身言書判德行才用勞效較其優劣而定其畱放為之  
注擬五品以上以名上而聽制授六品以下量資而任之其屬有  
四一曰吏部二曰司封三曰司勳四曰考功吏部郎中掌文官階  
品朝集祿賜給其告身假使一人掌選補流外官員外郎二人從

六品上一人判南曹皆為尚書侍郎之貳凡文官九品有正有從  
自正四品以下有上下為三十等凡文散階二十九從一品曰開  
府儀同三司正二品曰特進從二品曰光祿大夫正三品曰金紫  
光祿大夫從三品曰銀青光祿大夫正四品上曰正議大夫正四  
品下曰通議大夫從四品上曰太中大夫從四品下曰中大夫正  
五品上曰中散大夫正五品下曰朝議大夫從五品上曰朝請大  
夫從五品下曰朝散大夫正六品上曰朝議郎正六品下曰承議  
郎從六品上曰奉議郎從六品下曰通直郎正七品上曰朝請郎  
正七品下曰宣德郎從七品上曰朝散郎從七品下曰宣義郎正  
八品上曰給事郎正八品下曰徵事郎從八品上曰承奉郎從八  
品下曰承務郎正九品上曰儒林郎正九品下曰登仕郎從九品  
上曰文林郎從九品下曰將仕郎自四品皆番上於吏部不上者

歲輸資錢三品以上六百六品以下一千水旱蟲霜減半資有文  
藝樂京上者每州七人六十不樂簡選者罷輸勳官亦如之以征  
鎮功得護軍以上者納資減三之一凡流外九品取其書計時務  
其校試銓注與流內略同謂之小選吏部主事四人司封主事四  
人司勳主事四人考功主事三人武德五年改選部曰吏部七年省侍郎貞觀二  
年復置龍朔元年改主爵曰司封天寶十一載改吏部曰文  
考功曰司績武后光宅元年改吏部曰天官垂拱元年改主爵曰司封  
部至德二載復舊有吏部令史三十人書令史六十人制書令史十四人甲庫令史十三人亭長  
八人掌固十二人司封令史四人書令史九人掌固四人司勳令史三十三  
人書令史六十七人掌固四人考功令史十五人書令史三十人掌固四人  
司封郎中一人從五品上員外郎一人從六品上諸郎中員外郎  
品皆如之掌封命朝會賜予之級凡爵九等一曰王食邑萬戶正  
一品二曰嗣王郡王食邑五千戶從一品三曰國公食邑三千戶  
從一品四曰開國郡公食邑二千戶正二品五曰開國縣公食邑  
千五百戶從二品六曰開國縣侯食邑千戶從三品七曰開國縣

伯食邑七百戶正四品上八曰開國縣子食邑五百戶正五品上九曰開國縣男食邑三百戶從五品上皇兄弟皇子皆封國爲親王皇太子子爲郡王親王之子承嫡者爲嗣王諸子爲郡公以恩進者封郡王襲郡王嗣王者封國公皇姑爲大長公主正一品姊爲長公主女爲公主皆視一品皇太子女爲郡主從一品親王女爲縣主從二品凡王公十五以上預朝集宗親女婦諸王長女月參內命婦一品母爲正四品郡君二品母爲從四品郡君三品四品母爲正五品縣君凡諸王公主外戚之家十祝占相不入門王妃公主郡縣主妾居有子者不再嫁凡外命婦有六王嗣王郡王之母妻爲妃文武官一品國公之母妻爲國夫人三品以上母妻爲郡夫人四品母妻爲郡君五品母妻爲縣君勳官四品有封者母妻爲卿君凡外命婦朝參視夫子之品諸蕃三品以上母妻授

封以制流外技術官不封母妻親王孺人二人視正五品媵十人視從六品二品媵八人視正七品國公及三品媵六人視從七品四品媵四人視正八品五品媵三人視從八品凡置媵上其數補以告身散官三品以上皆置媵凡封戶三丁以上爲率歲租三之一入于朝廷食實封者得眞戶分食諸州皇后諸王公主食邑皆有課戶名山大川畿內之地皆不以封

司勳郎中一人員外郎二人掌官吏勳級凡十有二轉爲上柱國視正二品十有一轉爲柱國視從二品十轉爲上護軍視正三品九轉爲護軍視從三品八轉爲上輕車都尉視正四品七轉爲輕車都尉視從四品六轉爲上騎都尉視正五品五轉爲騎都尉視從五品四轉爲驍騎尉視正六品三轉爲飛騎尉視從六品二轉爲雲騎尉視正七品一轉爲武騎尉視從七品凡以功授者覆實

然後奏擬戰功則計殺獲之數堅城苦戰功第一者三轉出少擊多曰上陣兵數相當曰中陣出多擊少曰下陣矢石未交陷堅突衆敵因而敗者曰跳盪殺獲十之四曰上獲十之二曰中獲十之一曰下獲凡酬功之等見任前資常選曰上資文武散官衛官勳官五品以上曰次資五品以上子孫上柱國柱國子勳官六品以下曰下資白丁衛士曰無資跳盪人上資加二階次資下資無資以次降凡上陣上獲五轉中獲四轉下獲三轉第二第三等遞降焉中陣之上獲眡上陣之中獲中獲眡上陣之下獲下獲兩轉下陣之上獲眡中陣之中獲中獲眡中陣之下獲下獲一轉破蠻獠上陣上獲比兩番降二轉凡勳官九百人無職任者番上於兵部眡遠近爲十二番以彊幹者爲番頭留宿衛者爲番月上外州分五番主城門倉庫執刀上柱國以下番上四年驍騎尉以下番上

五年簡於兵部授散官不第者五品以上復番上四年六品以下五年簡如初再不中者十二年則番上六年八年則番上四年勳至上柱國有餘則授周以上親無者賜物太常音聲人得五品以上勳非征討功不除簿諸州授勳人歲第勳之高下三月一報戶部有蠲免必驗

考功郎中員外郎各一人掌文武百官功過善惡之考法及其行狀若死而傳於史官謚于太常則以其行狀質其當不其欲銘于碑者則會百官議其宜述者以聞報其家其考法凡百司之長歲較其屬功過差以九等大合衆而讀之流內之官敘以四善一曰德義有聞二曰清慎明著三曰公平可稱四曰恪勤匪懈善狀之外有二十七最一曰獻可替否拾遺補闕爲近侍之最二曰銓衡人物擢盡才良爲選司之最三曰揚清激濁褒貶必當爲考校之

最四曰禮制儀式動合經典為禮官之最五曰音律克諧不失節  
 奏為樂官之最六曰決斷不滯與奪合理為判事之最七曰部統  
 有方警守無失為宿衛之最八曰兵士調習戎裝充備為督領之  
 最九曰推鞠得情處斷平允為法官之最十曰讎校精審明於刑  
 定為校正之最十一曰承旨敷奏吐納明敏為宣納之最十二曰  
 訓導有方生徒充業為學官之最十三曰賞罰嚴明攻戰必勝為  
 軍將之最十四曰禮義興行肅清所部為政教之最十五曰詳錄  
 典正詞理兼舉為文史之最十六曰訪察精審彈舉必當為糾正  
 之最十七曰明於勘覆稽失無隱為句檢之最十八曰職事修理  
 供承彊濟為監掌之最十九曰功課皆充丁匠無怨為役使之最  
 二十曰耕耨以時收穫成課為屯官之最二十一曰謹於蓋藏明  
 於出納為倉庫之最二十二曰推步盈虛究理精密為曆官之最

二十三曰占候醫卜效驗多者為方術之最二十四曰檢察有方  
 行旅無壅為關津之最二十五曰市廛弗擾姦濫不行為市司之  
 最二十六曰牧養肥碩蕃息孳多為牧官之最二十七曰邊境清  
 肅城隍修理為鎮防之最一最四善為上上一最三善為上中一  
 最二善為上下無最而有二善為中上無最而有一善為中中職  
 事粗理善最不聞為中下愛憎任情處斷乖理為下上背公向私  
 職務廢闕為下中居官諂詐貪濁有狀為下下凡定考皆集於尚  
 書省唱第然後奏親王及中書門下京官三品以上都督刺史都  
 護節度觀察使則奏功過狀以覈考行之上下每歲尚書省諸司  
 具州牧刺史縣令殊功異行災蝗祥瑞戶口賦役增減盜賊多少  
 皆上於考司監領之官以能撫養役使者為功有耗亡者以十分  
 為率一分為一殿博士助教計講授多少為差親勲翊衛以行能

功過爲三等親勲翊衛備身東宮親勲翊衛備身王府執仗親事  
執乘親事及親勲翊衛主帥校尉直長品子雜任飛騎皆上中下  
考有二上第者加階番考別爲簿以侍郎額掌之流外官以行能  
功過爲四等清謹勤公爲上執事無私爲中不勤其職爲下貪濁  
有狀爲下下凡考中上以上每進一等加祿一季中中守本祿中  
下以下每退一等奪祿一季中品以下四考皆中中者進一階一  
中上考復進一階一上下考進二階計當進而參有下考者以一  
中上覆一中下以一下覆二中下上中以上雖有下考從上第  
有下下考者解任凡制敕不便有執奏者進其考貞觀初歲定京  
官望高者二人分校京官外官考給事中中書舍人各一人涖之  
號監中外官考使考功郎中判京官考員外郎判外官考其後屢  
置監考校考知考使故事考簿朱書吏緣爲姦咸通十四年始以

墨

戶部尚書一人正三品侍郎二人正四品下掌天下土地人民錢  
穀之政貢賦之差其屬有四一曰戶部二曰度支三曰金部四曰  
倉部戶部郎中員外郎掌戶口土田賦役貢獻蠲免優復媼婚繼  
嗣之事以男女之黃小中丁老爲之帳籍以永業口分園宅均其  
土田以租庸調斂其物以九等定天下之戶以爲尚書侍郎之貳  
其後以諸行郎官判錢穀而戶部度支郎官失其職矣會昌二年  
著令以本行郎官分判錢穀戶部巡官二人主事四人度支主事  
二人金部主事三人倉部主事三人

高宗即位改民部曰戶部龍朔二年改戶部曰司元度支曰司度金部曰司珍倉部曰司庫  
曰司庫光宅元年改戶部曰地官天寶十一載改金部曰司金倉部曰司儲有戶部令史十七人書令史三十四人計史一人亭長六人掌固十人度支令史十六人書令史三十三人計史一人掌固四人倉部令史十二人書令史二十三人計史一人掌固四人

度支郎中員外郎各一人掌天下租賦物產豐約之宜水陸道涂



唐書四十九  
之利歲計所出而支調之以近及遠與中書門下議定乃奏  
金部郎中負外郎各一人掌天下庫藏出納權衡度量之數兩京  
市互市和市官市交易之事百官軍鎮蕃客之賜及給宮人王妃  
官奴婢衣服

倉部郎中負外郎各一人掌天下庫儲出納租稅祿糧倉廩之事  
以木契百合諸司出給之數以義倉常平倉備凶年平穀價

禮部尚書一人正三品侍郎一人正四品下掌禮儀祭享貢舉之  
政其屬有四一曰禮部二曰祠部三曰膳部四曰主客禮部郎中  
負外郎掌禮樂學校衣冠符印表疏圖書冊命祥瑞鋪設及百官  
宮人喪葬贈賻之數爲尚書侍郎之貳五禮之儀一曰吉禮二曰  
賓禮三曰軍禮四曰嘉禮五曰凶禮凡齊衰心喪以上奪情從職  
及周喪未練大功未葬皆不預宴大功以上喪受冊泣官鼓吹從

而不作戎事則否凡朝晚入失儀御史錄名奪俸三奪者奏彈凡  
出蕃冊授弔贈者給衣冠皇帝巡幸兩京文武官職事五品以上  
月朔以表參起居近州刺史遣使一參畱守月遣使起居北都則  
四時遣使起居諸司奏大事者前期三日具狀長官躬署對仗伏  
奏仗下中書門下泣讀河南太原府父老每歲上表願駕幸遣使  
以聞駕在都則京兆府亦如之凡景雲慶雲爲大瑞其名物六十  
有四白狼赤兔爲上瑞其名物三十有八蒼鳥朱鴈爲中瑞其名  
物三十有二嘉禾芝草木連理爲下瑞其名物十四大瑞則百官  
詣闕奉賀餘瑞歲終負外郎以聞有司告廟凡喪二品以上稱薨  
五品以上稱卒自六品達于庶人稱死皇親二等以上喪舉哀有  
司帳具給食諸蕃首領喪則主客鴻臚月奏禮部主事二人祠部  
主事二人膳部主事二人主客主事二人

武德三年改儀曹郎曰禮部郎中  
司藩郎曰主客郎中龍朔二年改

禮部曰司禮祠部曰司禮膳部曰司膳光宅元年改禮部曰春官有禮部令史五人書令史十一人亭長六人掌固八人祠部令史六人書令史十三人掌固四人主客令史四人書令史九人掌固四人

祠部郎中員外郎各一人掌祠祀享祭天文漏刻國忌廟諱卜筮醫藥僧尼之事珠玉珍寶供祭者不求於市駕部比部歲會注之死亡輸皮於太府郊祭酒醴脯醢黍稷果實所司長官封署以供兩京及磧西諸州火祆歲再祀而禁民祈祭凡巡幸路次名山大川聖帝明王名臣墓州縣以官告祭二王後享廟則給牲牢祭器而完其帷帟凡案主客以四時省問凡國忌廢務日內教太常停習樂兩京文武五品以上及清官七品以上行香於寺觀凡名醫子弟試療病長官泣覆三年有驗者以名聞膳部郎中員外郎各一人掌陵廟之牲豆酒膳諸司供奉口味躬鐻其輦乃遣進胙亦如之非大禮大慶不獻食不進口味凡羊至

廚而乳者釋之長生大齋日尚食進蔬食釋所殺羊爲長生供奉凡獻食進口味不殺犢尚食有猝須別索必奏覆月終而會之凡尚食進食以種取而別嘗之殿中省主膳上食於諸陵以番上下四時遣食醫主食各一人泣之

主客郎中員外郎各一人掌二王後諸蕃朝見之事二王後子孫視正三品鄜公歲賜絹三百米粟亦如之介公減三之一殊俗入朝者始至之州給牒覆其人數謂之邊牒蕃州都督刺史朝集日視品給以衣冠袴褶乘傳者日四驛乘驛者六驛供客食料以四時輸鴻臚季終句會之客初至及辭設會第一等視三品第二等視四品第三等視五品蕃望非高者視散官而減半參日設食路由大海者給祈羊豕皆一西南蕃使還者給人海程糧西北諸蕃則給度磧程糧蕃客請宿衛者奏狀貌年齒突厥使置市坊有貿

易錄奏爲質其輕重太府丞一人泣之蕃王首領死子孫襲初授  
官兄弟子降一品兄弟子代攝者嫡年十五還以政使絕域者還  
上聞見及風俗之宜供饋贈賂之數

兵部尚書一人正三品侍郎二人正四品下掌武選地圖車馬甲  
械之政其屬有四一曰兵部二曰職方三曰駕部四曰庫部凡將  
出征告廟授斧鉞軍不從令大將專決還日具上其罪凡發兵降  
敕書於尚書尚書下文符放十人發十馬軍器出十皆不待敕衛  
士番直發一人以上必覆奏諸蕃首領至則備威儀郊導凡俘馘  
酬以緡入鈔之俘歸於司農郎中一人判帳及武官階品衛府衆  
寡校考給告身之事一人判簿及軍戎調遣之名數朝集祿賜假  
告之常員外郎一人掌貢舉雜請一人判南曹歲選解狀則覈簿  
書資歷考課皆爲尚書侍郎之貳武散階四十有五從一品曰驃

騎大將軍正二品曰輔國大將軍從二品曰鎮軍大將軍正三品  
上曰冠軍大將軍懷化大將軍正三品下曰懷化將軍從三品上  
曰雲麾將軍歸德大將軍從三品下曰歸德將軍正四品上曰忠  
武將軍正四品下曰壯武將軍懷化中郎將從四品上曰宣威將  
軍從四品下曰明威將軍歸德中郎將正五品上曰定遠將軍正  
五品下曰寧遠將軍懷化郎將從五品上曰游騎將軍從五品下  
曰游擊將軍歸德郎將正六品上曰昭武校尉正六品下曰昭武  
副尉懷化司階從六品上曰振威校尉從六品下曰振威副尉歸  
德司階正七品上曰致果校尉正七品下曰致果副尉懷化中候  
從七品上曰翊麾校尉從七品下曰翊麾副尉歸德中候正八品  
上曰宣節校尉正八品下曰宣節副尉懷化司戈從八品上曰禦  
侮校尉從八品下曰禦侮副尉歸德司戈正九品上曰仁勇校尉

正九品下曰仁勇副尉懷化執戟長上從九品上曰陪戎校尉從九品下曰陪戎副尉歸德執戟長上自四品以下皆番上於兵部以遠近爲八番三月一上三千里外者免番輸資如文散官唯追集乃上六品以下尚書省送符懷化大將軍歸德大將軍配諸衛上下餘直諸衛爲十二番皆月上忠武將軍以下游擊將軍以上每番閱疆毅者直諸衛番滿有將略者以名聞兵部主事四人職方主事二人駕部主事二人庫部主事二人

龍朔二年改兵部曰司戎職方曰司城駕部曰司輿庫部曰司庫光宅元年改兵部曰夏官天寶十一載曰武部駕部曰司駕有兵部令史三十人書令史六十人制書令史十三人甲庫令史十二人亭長八人掌固十二人職方令史四人書令史九人掌固四人駕部令史十人書令史二十四人掌固四人庫部令史七人書令史十五人掌固四人

職方郎中負外郎各一人掌地圖城隍鎮戍烽候防人道路之遠近及四夷歸化之事凡圖經非州縣增廢五年乃修歲與版籍偕上凡蕃客至鴻臚訊其國山川風土爲圖奏之副上於職方殊俗

入朝者圖其容狀衣服以聞

駕部郎中負外郎各一人掌輿輦車乘傳驛廄牧馬牛雜畜之籍凡給馬者一品八匹二品六匹三品五匹四品五匹四匹六品三匹七品以下二匹給傳乘者一品十馬二品九馬三品八馬四品五品四馬六品七品二馬八品九品一馬三品以上敕召者給四馬五品三馬六品以下有差凡驛馬給地四頃蔣以首蓓凡三十里有驛驛有長舉天下四方之所達爲驛千六百三十九阻險無水草鎮戍者視路要隙置官馬水驛有舟凡傳驛馬驢每歲上其死損肥瘠之數

庫部郎中負外郎各一人掌戎器鹵簿儀仗元日冬至陳設祠祀喪葬辨其名數而供焉凡戎器色別而異處以衛尉幕士暴涼之京衛旗回蹲獸立禽行幸則給飛走旗凡諸衛儀仗以御史泣其

度掌武庫器仗則兵部長官泣其脩完京官五品以上征行者假甲纛旗幡稍諸衛給弓千牛給甲

刑部尚書一人正三品侍郎一人正四品下掌律令刑法徒隸按覆讞禁之政其屬有四一曰刑部二曰都官三曰比部四曰司門刑部郎中員外郎掌律法按覆大理及天下奏讞爲尚書侍郎之貳凡刑法之書有四一曰律二曰令三曰格四曰式凡鞫大獄以尚書侍郎與御史中丞大理卿爲三司使凡國有大赦集囚徒于闕下以聽刑部主事四人都官主事二人比部主事四人司門主事二人

龍朔二年改刑部曰司刑都官曰司僕比部曰司計司門曰司關光宅元年改刑部曰秋官天寶十一載改刑部曰司憲比部曰司計有刑部令史十九人書令史三十八人亭長六人掌固十人都官令史九人書令史十二人掌固四人比部令史十四人書令史二十七人計史一人掌固四人司門令史六人書令史十三人掌固四人

都官郎中員外郎各一人掌俘隸簿錄給衣糧醫藥而理其訴免凡反逆相坐沒其家配官曹長役爲官奴婢一免者一歲三番役

再免爲雜戶亦曰官戶二歲五番役每番皆一月三免爲良人六十以上及廢疾者爲官戶七十爲良人每歲孟春上其籍自黃口以上印臂仲冬送於都官條其生息而按比之樂工獸醫騙馬調馬群頭栽接之人皆取焉附貫州縣者按比如平民不番上歲督丁資爲錢一千五百丁婢中男五輪其一侍丁殘疾半輪凡居作者差以三等四歲以上爲小十一以上爲中二十以上爲丁丁奴三當二役中奴丁婢二當一役中婢三當一役

比部郎中員外郎各一人掌句會內外賦斂經費俸祿公廨勲賜贓贖徒役課程逋欠之物及軍資械器和糴屯收所入京師倉庫三月一比諸司諸使京都四時句會於尚書省以後季句前季諸州則歲終總句焉

司門郎中員外郎各一人掌門關出入之籍及闌遺之物凡著籍

月一易之流內記官爵姓名流外記年齒貌狀非遷解不除凡有召者降墨敕勘銅魚木契然後入監門校尉巡日送平安凡奏事遣官送之畫題時刻夜題更籌命婦諸親朝參者內侍監校尉泣索凡輦輦車不入宮門闌遺之物揭於門外榜以物色暮年沒官天下關二十六有上中下之差度者本司給過所出塞踰月者給行牒獵手所過給長籍三月一易蕃客往來閱其裝重入一關者餘關不讖

工部尚書一人正三品侍郎一人正四品下掌山澤屯田工匠諸司公廨紙筆墨之事其屬有四一曰工部二曰屯田三曰虞部四曰水部工部郎中負外郎各一人掌城池土木之工役程式爲尚書侍郎之貳凡京都營繕皆下少府將作共其用役千功者先奏凡工匠以州縣爲團五人爲火五火置長一人四月至七月爲長

功二月三月八月九月爲中功十月至正月爲短工雇者日爲絹

三尺內中尚巧匠無作則納資凡津梁道路治以九月工部主事

三人屯田主事二人虞部主事二人水部主事二人

武德三年改起部曰工部龍朔二年曰司平屯田曰司田虞部曰司虞水部曰司川光宅元年改工部曰冬官天寶十一載改虞部曰司虞水部曰司水工部有令史十二人書令史二十一人計史一人亭長六人掌固八人屯田令史七人書令史十二人計史一人掌固四人虞部令史四人書令史九人掌固四人水部令史四人書令史九人掌固四人

屯田郎中負外郎各一人掌天下屯田及京文武職田諸司公廨田以品給焉

虞部郎中負外郎各一人掌京都衢闕苑囿山澤草木及百官蕃客時蔬薪炭供頓畋獵之事每歲春以戶小兒戶婢仗內時種漑灌冬則謹其蒙覆凡郊祠神壇五岳名山樵採芻牧皆有禁距墻三十步外得耕種春夏不伐木京兆河南府三百里內正月五月九月禁弋獵山澤有寶可供用者以聞


水部郎中員外郎各一人掌津濟船艦渠梁堤堰溝洫漁捕運漕碾磴之事凡坑陷井穴皆有標京畿有渠長斗門長諸州隄堰刺史縣令以時檢行而泄其決築有埭則以下戶分牽禁爭利者

百官志第三十六 終



唐書四十六

百官志第三十七



唐書四十七

門下省侍中二人正二品掌出納帝命相禮儀凡國家之務與中書令參總而顓判省事下之通上其制有六一曰奏鈔以支度國用授六品以下官斷流以下罪及除免官用之二曰奏彈三曰露布四曰議五曰表六曰狀自露布以上乃審其餘覆奏畫制可而授尚書省行幸則負寶以從版奏中嚴外辦還宮則請降輅解嚴皇帝齋則請就齋室將奠則奉玉幣盥則奉匱取盤酌鬯水贊洗酌泛齊受虛爵進福酒皆左右其儀饗宗廟進瓚而贊酌鬱酒既裸贊酌醴齊籍田則奉耒四夷朝見則承詔勞問臨軒命使冊皇后皇太子則承詔降宣命慰問聘召則泄封題發驛遣使則給角符凡官爵廢置刑政損益授之史官既書復泄其記注職事官六品以下進擬則審其稱否而進退之

武德元年改侍內曰納言三年曰侍中龍朔二年改門下省曰東臺侍中曰左相武

后光宅元年曰納言垂拱元年改門下省曰鸞臺開元元年曰黃門省侍中曰監天寶元年曰左相

門下侍郎二人正三品掌貳侍中之職大祭祀則從盥則奉巾既

悅奠巾奉匏爵贊獻元日冬至奉天下祥瑞侍中闕則蒞封符券

給傳驛龍朔二年改黃門侍郎曰東臺侍郎武后垂拱元年曰鸞臺侍郎天寶元年曰門下侍郎乾元元年曰黃門侍郎大曆二年復舊

左散騎常侍二人正三品下掌規諷過失侍從顧問隋廢散騎常侍貞觀元年復置十七

年為職事官顯慶二年分左右諫門下中書省皆金蠅珥貂左散騎與侍中為左貂右散騎與中書令為右貂謂之八貂龍朔二年曰侍極

左諫議大夫四人正四品下掌諫諭得失侍從贊相武后垂拱二

年有魚保宗者上書請置匭以受四方之書乃鑄銅匭四塗以方

色列于朝堂青匭曰延恩在東告養人勸農之事者投之丹匭曰

招諫在南論時政得失者投之白匭曰申冤在西陳抑屈者投之

黑匭曰通玄在北告天文祕謀者投之以諫議大夫補闕拾遺一

人充使知匭事御史中丞侍御史一人為理匭使其後同為一匭

天寶九載玄宗以匭聲近鬼改理匭使為獻納使至德元年復舊

寶應元年命中書門下擇正直清白官一人知匭以給事中中書

舍人為理匭使建中二年以御史中丞為理匭使諫議大夫一人

為知匭使投匭者使先驗副本開成三年知匭使李中敏以為非

所以廣聰明而慮幽枉也乃奏罷驗副封武德元年置諫議大夫龍朔二年曰正諫大夫貞元四年分左右

給事中四人正五品上掌侍左右分判省事察弘文館繕寫讎校

之課凡百司奏抄侍中既審則駁正違失詔敕不便者塗竄而奏

還謂之塗歸季終奏駁正之目凡大事覆奏小事署而頒之三司

詳決失中則裁其輕重發驛遣使則與侍郎審其事宜六品以下

奏擬則校功狀殿最行藝非其人則白侍中而更焉與御史中書

舍人聽天下冤滯而申理之門下省有錄事四人從七品上主事

四人從八品下有令史二十二人書令史四十三人甲庫令史十三人能書一人傳制二人亭長六人掌固十四人修補制敕匠五人裝潢一人起居郎領令史三



人贊者六人武德三年  
改給事郎曰給事中

左補闕六人從七品上左拾遺六人從八品上掌供奉諷諫大事

廷議小則上封事武后垂拱元年置補  
闕拾遺左右各二員

起居郎二人從六品上掌錄天子起居法度天子御正殿則郎居  
左舍人居右有命俯陛以聽退而書之季終以授史官貞觀初以  
給事中諫議大夫兼知起居注或知起居事每仗下議政事起居  
郎一人執筆記錄于前史官隨之其後復置起居舍人分侍左右  
秉筆隨宰相入殿若仗在紫宸內閣則夾香案分立殿下直第二  
螭首和墨濡筆皆即均處時號螭頭高宗臨朝不決事有所奏唯  
辭見而已許敬宗李義府為相奏請多畏人之知也命起居郎舍  
人對仗承旨仗下與百官皆出不復聞機務矣長壽中宰相姚璿  
建議仗下後宰相一人錄軍國政要為時政紀月送史館然率推

閣

美讓善事非其實未幾亦罷而起居郎猶因制敕稍稍筆削以廣

國史之闕起居舍人本記言之職唯編詔書不及它事開元初復

詔脩史官非供奉者皆隨仗而入位於起居郎舍人之次及李林

甫專權又廢太和九年詔入閣日起居郎舍人具紙筆立螭頭下

復貞觀故事有令史三人贊者六人貞觀三年置起居郎  
廢舍人龍朔二年曰左史天授元年亦如之

典儀二人從九品下掌贊唱及殿中版位之次侍中版奏中嚴外

辦亦贊焉隋謂者臺有典儀武德  
五年復置隸門下省

城門郎四人從六品上掌京城皇城宮殿諸門開闔之節奉管鑰

而出納之開則先外後內闔則先內後外啟閉有時不以時則詣

閣覆奏有令史二人書令史二人武德五  
年置門僕八百人番上送管鑰

符寶郎四人從六品上掌天子八寶及國之符節有事則請於內

既事則表而藏之大朝會則奉寶進于御座行幸則奉以從焉大



皆起草進畫既下則署行其禁有四一曰漏洩二曰稽緩三曰違失四曰忘誤制敕既行有誤則奏改之大朝會諸方起居則受其表狀大捷祥瑞百寮表賀亦如之冊命大臣則使持節讀冊命將<sup>有</sup>帥有功及大賓客則勞問與給事中及御史三司鞫寃滯百司<sup>數</sup>奏議考課皆預裁焉以久次者一人為閣老判本省雜事又一人知制誥頴進畫給食于政事堂其餘分署制敕以六員分押尚書六曹佐宰相判案同署乃奏唯樞密遷授不預姚崇為紫微令奏大事舍人為商量狀與本狀皆下紫微令判二狀之是否然後乃奏開元初以它官掌詔敕策命謂之兼知制誥肅宗即位又以它官知中書舍人事兵興急於權便政去臺閣決遣頴出宰相自是舍人不復押六曹之奏會昌末宰相李德裕建議臺閣常務州縣奏請復以舍人平處可否先是知制誥率用前行正郎宣宗時選

尚書郎為之主書四人從七品上主事四人從八品下

有令史二十五人書令史五十

人能書四人蕃書譯語十人乘驛二十人傳制十人亭長十八人掌固二十四人裝制敕匠一人脩補制敕匠五十人掌函掌案各二十人

右散騎常侍二人右諫議大夫四人右補闕六人右拾遺六人掌如門下省

起居舍人二人從六品上掌脩記言之史錄制誥德音如記事之

制季終以授國史

有楷書手四人典二人

通事舍人十六人從六品上掌朝見引納殿庭通奏凡近臣入侍文武就列則導其進退而贊其拜起出入之節蠻夷納貢皆受而進之軍出則受命勞遣既行則每月存問將士之家視其疾苦凱

還則郊迓

有令史十人典謁十人亭長十八人掌固二十四人武德四年廢謁者臺改通事謁者曰通事舍人

集賢殿書院學士直學士侍讀學士修撰官掌刊緝經籍凡圖書遺逸賢才隱滯則承旨以求之謀慮可施於時著述可行於世者

考其學術以聞凡承旨撰集文章校理經籍月終則進課於內歲終則考最於外開元五年乾元殿寫四部書置乾元院使有判正官四人以一人判事押年乾元院更號麗正脩書院置使及檢校官改脩書官為麗正殿學士八年加文學直又加脩撰校理判正校勘官十一年置麗正院脩書學士光順門外亦置書院十二年東都明福門外亦置麗正書院十三年改麗正脩書院為集賢殿書院五品以上為學士六品以下為直學士宰相一人為學士知院事常侍一人為副知院事又置判院一人押院中使一人玄宗嘗選耆儒日一人侍讀以質史籍疑義至是置集賢院侍講學士侍讀直學士其後又增脩撰官校理官待制官監院官知檢討官文學直之自募能書者為書直及寫御書人其後亦以前資常選三衛散官五品以上子孫為之又置畫直至十九年以書直畫直楊書有官者為直院至德二年置大學士貞元初置編錄官四年罷大學士八年罷校理置校書四人正字二人元和二年復置集賢校理罷校書正字四年集賢御書院學士直學士皆用五品如開元故事以學士一人年高者判院事非登朝官者為校理餘皆罷初太宗即位命京官五品以上更宿中書門下兩省以備訪問永徽中命弘文館學士一人日待制于武德殿西門文明元年詔京官五品以上清官日一人待制于章善明福門先天末又命朝集使六品以上二人隨仗待制永泰時勳臣罷節制無職事皆待制于集賢門凡十三人崔祐甫為相建議議文官一品以上更直待制其後著令正衙待制官日二人

校書四人正九品下正字二人從九品上

有中使一人孔目官一人專知御書檢討八人知書官八人書直寫

史館脩撰四人掌脩國史

貞觀三年置史館於門下省以它官兼領或卑位有才者亦以直館稱以宰相泣脩撰又於中書省置祕書內省

館元和六年宰相裴均建議登朝官領史職者為脩撰以官高一判館事未登朝官皆為直館大中八年廢史館直館二員增脩撰四人分掌四季有令史二人楷書十二人寫國史楷書十八人楷書手二十五人典書二人亭長二人掌固四人熟紙匠六人

祕書省監一人從三品少監二人從四品上丞一人從五品上監

掌經籍圖書之事領著作局少監為之貳

武德四年改少令曰少監龍朔二年改祕書省曰蘭臺監曰太史少

監曰侍郎丞曰大夫祕書郎曰蘭臺郎武后垂拱元年祕書省自曰麟臺太極元年曰祕書省有典書四人楷書十人令史四人書令史九人亭長六人掌固八人熟紙匠十人裝潢匠十人筆匠六人

祕書郎三人從六品上掌四部圖籍以甲乙丙丁為部皆有三本

一曰正二曰副三曰貯凡課寫功程皆分判

校書郎十人正九品上正字四人正九品下掌讎校典籍刊正文

章著作局郎二人從五品上著作佐郎二人從六品上校書郎二

人正九品上正字二人正九品下著作郎掌撰碑誌祝文祭文與

武德四年改著作曹曰局龍朔二年曰司文局郎曰郎中佐郎曰司文郎有楷書五人書令史一人書吏二人掌固四人

司天臺監一人正三品少監二人正四品上丞一人正六品上主

簿二人正七品上主事一人正八品下監掌祭天文稽曆數凡日月星辰風雲氣色之異率其屬而占有通玄院以藝學召至京師者居之凡天文圖書器物非其任不得與焉每季錄祥書送門下中書省紀于起居注歲終上送史館歲頒曆于天下

武德四年改太史監曰太史局

書省七年廢監候龍朔二年改太史局曰祕書閣令曰祕書閣郎中武后光宅元年改太史局曰渾天監不隸麟臺俄改曰渾儀監置副監及丞主簿改司辰師曰司辰長安二年渾儀監復曰太史局廢副監及丞隸麟臺如故改天文博士曰靈臺郎曆博士曰保章正景龍二年改太史局曰太史監不隸祕書省復置丞景雲元年又為局隸祕書省踰月為監歲中復為局二年改曰渾儀監開元二年復曰太史監改令為監置少監十四年太史監復為局以監為令而廢少監天寶元年太史局復為監自是不隸祕書省乾元元年曰司天臺藝術人韓穎劉烜建議改令為監置通玄院及主簿置五官監候及五官禮生十五人掌布諸壇神位五官楷書手五人掌寫御書有令史五人天文觀生九十人天文生五十人曆生五十五人初有天文博士二人正八品下曆博士一人從八品司辰師五人正九品下裝書曆生掌候天文掌教習天文氣色掌寫御曆後比皆省

春官夏官秋官冬官中官正各一人正五品上副正各一人正六品上掌司四時各司其方之變異冠加一星珠以應五緯衣從其方色元日冬至朔望朝會及大禮各奏方事而服以朝見

乾元三年置五官正

五代史開元二十年李林甫以宰相兼修國史建議以為中書切密之地史官記事隸門下省疏遠於是諫議大夫史館修撰尹愔奏徙于中書省天寶後它官兼史職者曰史館修撰初入為直及副正

五官保章正二人從七品上五官監候三人正八品下五官司曆二人從八品上掌曆法及測景分至表準

五官靈臺郎各一人正七品下掌候天文之變五官挈壺正二人正八品上五官司辰八人正九品上漏刻博士六人從九品下掌知漏刻凡孔壺為漏浮箭為刻以考中星昏明更以擊鼓為節點以擊鐘為節

武后長安二年置挈壺正乾元元年與靈臺郎保章正司曆司辰皆加五品之名有漏刻生四十人典鐘典鼓三百五十人初有刻漏視日刻漏典其事掌知刻漏檢校刻漏後比皆省

殿中省監一人從三品少監二人從四品上丞二人從五品上監掌天子服御之事其屬有六局曰尚食尚藥尚衣尚乘尚舍尚輦少監為之貳凡聽朝率屬執繖扇列于左右大朝會祭祀則進爵行幸則侍奉仗內驂乘百司皆納印而藏之大事聽焉有行從百

司之印左右仗廐左曰奔星右曰內駒兩仗內又有六廐一曰左飛二曰右飛三曰左萬四曰右萬五曰東南內六曰西南內園苑有官馬坊每歲河隴群牧進其良者以供御六閑馬以殿中監及尚乘主之武后萬歲通天元年置仗內六閑一曰飛龍二曰祥麟三曰鳳苑四曰鷓鴣五曰吉良六曰六群亦號六廐以殿中丞檢校仗內閑廐以中官為內飛龍使聖曆中置閑廐使以殿中監丞恩遇者為之分領殿中太僕之事而專掌輿輦牛馬自是宴游供奉殿中監皆不豫開元初閑廐馬至萬餘匹駱駝巨象皆養焉以駝馬隸閑廐而尚乘局名存而已閑廐使押五坊以供時狩一曰鵬坊二曰鶻坊三曰鷂坊四曰鷹坊五曰狗坊侍御尚醫二人正六品上主事二人從九品上

武德元年改殿內監曰殿中省龍朔二年曰中御府監曰大監丞曰大夫有令史四人書令史十二人左右仗千牛各十人掌固亭長各八人舊有天藏府開元二十三年省

進馬五人正七品上掌大陳設戎服執鞭居立仗馬之左視馬進退

天寶八載罷南衙立仗馬因省進馬十  
二載復置乾元後又省大曆十四年復

尚食局奉御二人正五品下直長五人正七品上諸奉御直長品皆如之食醫八人正九品下奉御長儲供直長為之貳進御必辨時禁先嘗之饗百官賓客則與光祿視品秩而供凡諸陵月享視膳乃獻

龍朔二年改尚食局曰奉膳局諸局奉御皆曰大夫有書令史二人書吏五人主食十六人主膳八百四十人掌固八人

尚藥局奉御二人直長二人掌和御藥診視凡藥供御中書門下長官及諸衛上將軍各一人與監奉御泄之藥成醫佐以上先嘗疏本方具歲月日泄者署奏餌日奉御先嘗殿中監次之皇太子又次之然後進御太常每季闕送上藥而還其朽腐者左右羽林軍給藥飛騎萬騎病者頒焉

龍朔二年改尚藥局曰奉醫局有按摩師四人呪禁師四人書令史二人書吏四人直官十人主藥十二人藥匠二人掌固四人

侍御醫四人從六品上掌供奉診候

司醫五人正八品下醫佐十人正九品下掌分療眾疾

皆貞觀中置

尚衣局奉御二人直長四人掌供冕服凡案祭祀則奉鎮圭於監

而進于天子大朝會設案

龍朔二年改尚衣局曰奉冕局有書令史三人書吏四人主衣十六人掌固四人

尚舍局奉御二人直長六人掌殿庭祭祀張設湯沐燈燭汛掃行

幸則設三部帳幕有古帳大帳次帳小次帳小帳凡五等各三部

其外則蔽以排城大朝會設黼屨施躡席薰鑪朔望設幄而已

龍朔二年改尚舍局曰奉屨局有書令史三人書吏七人掌固十人幕士八千人舊有給使百二十人掌供御湯沐燈燭雜使貞觀中省

尚乘局奉御二人直長十人掌內外閑廐之馬左右六閑一曰飛

黃二曰吉良三曰龍媒四曰駒駘五曰馱馱六曰天苑凡外牧歲

進良馬印以三花飛鳳之字飛龍廐日以八馬列宮門之外號南

衙立仗馬仗下乃退大陳設則居樂縣之與象相次

龍朔二年改尚乘局曰奉駕局有書

今史六人書吏十四人直官二十人習馭五百人掌閑五千人典事五人獸醫七十人掌固四人習馭掌調六閑之馬掌閑掌飼六閑之馬治其乘具鞍轡典事掌六閑芻粟太宗置司廩司庫高宗置厩馭獸醫

司廩司庫各一人正九品下掌六閑藁秸出納奉乘十八人正九

品下掌飼習御馬

尚輦局奉御二人直長三人尚輦二人正九品下掌輿輦繖扇大

朝會則陳于庭大祭祀則陳于廟皆繖二翰一扇一百五十有六

既事而藏之常朝則去扇左右留者三

龍朔二年改尚輦局曰奉輦局有書令史二人書吏四人七輦主輦各六人掌扇六十人掌翰三十人掌輦四十二人奉輦十五人掌固六人掌扇掌翰掌執繖扇紙筆硯雜供奉之事掌輦掌率主輦以供其事高宗置掌翰

內侍省監二人從三品少監二人內侍四人皆從四品上監掌內

侍奉宣制令其屬六局曰掖庭宮闈奚官內僕內府內坊少監內

侍為之貳皇后親蠶則升壇執儀大駕出入為夾引

武德四年改長秋監曰內侍監內承奉曰內常侍內承直曰內給事龍朔二年改監為省武后垂拱元年曰司宮臺天寶十三年置內侍監改內侍曰少監尋更置內侍有高品一千六百九十六人品官白身二千九百三十二人令

史八人書令  
史十六人

內常侍六人正五品下通判省事

內給事十人從五品下掌承旨勞問分判省事凡元日冬至百官  
賀皇后則出入宣傳宮人衣服費用則具品秩計其多少春秋宣  
送于中書主事二人從九品下

內謁者監十人正六品下掌儀法宣奏承敕令及外命婦名帳凡  
諸親命婦朝會者籍其數上內侍省命婦下車則導至朝堂奏聞  
唐廢內謁者局置內典引十八人掌諸親命  
婦朝參出入導引有內亭長六人掌固八人

內謁者十二人從八品下掌諸親命婦朝集班位分泄諸門內寺  
伯六人正七品下掌糾察宮內不法歲讎則莅出入

寺人六人從七品下掌皇后出入執御刀冗從掖庭局令二人從  
七品下丞三人從八品下掌官人簿帳女工凡官人名籍司其除

附公桑養蠶會其課業供奉物皆取焉婦人以罪配没工縫巧者  
隸之無技能者隸司農諸司營作須女工者取於戶婢有書令史四人  
書吏八人計史

二人典事十八掌固  
四人計史掌料工程

宮教博士二人從九品下掌教習宮人書算衆藝初內文學館隸中書省  
以儒學者一人為學士

掌教宮人武后如意元年改曰習藝館又改曰萬林內教坊尋復舊有內教博士十八人經學五  
人史子集綴文三人楷書二人莊老太一篆書律令吟詠飛白書算各一人開元末館廢以內  
教博士以下隸內  
侍省中官為之

監作四人從九品下掌監泄雜作典工役

宮闈局令二人從七品下丞二人從八品下掌侍宮闈出入管籥

凡享太廟皇后神主出入則帥其屬輿之總小給使學生之籍給  
以糧稟有書令史三人書吏六人內閣史二十人內掌扇十六人內給使無常員小給使學生  
五十人掌固四人凡無官品者號曰內給使掌諸門進物之曆內閣使掌承傳諸門出  
納管籥內掌扇  
掌中官織扇

奚官局令二人正八品下丞二人正九品下掌奚隸工役官官之



品宮人病則供醫藥死給衣服各視其品陪陵而葬者將作給匠  
戶衛士營冢三品葬給百人四品八十人五品六十人六品七品  
十人八品九品七人無品者斂以松棺五釘葬以犢車給三人皆  
監門校尉直長泣之內命婦五品以上無親戚者以近冢同姓中  
男一人主祭于墓無同姓者春秋祠以少牢有書令史三人書吏六人  
典事藥童掌固各四人  
內僕局令二人正八品下丞二人正九品下掌中宮車乘皇后出  
則令居左丞居右夾引有書令史二人書吏四人駕士百四十人典  
事八人掌固八人駕士掌習御車輿雜畜  
內符局令二人正八品下丞二人正九品下掌中藏寶貨給納之  
數及供燈燭湯沐張設凡朝會五品已上及有功將士蕃酋辭還  
皆賜於庭有書令史二人書吏典史  
掌固各四人典事六人  
太子內坊局令二人從五品下丞二人從七品下掌東宮閤內及  
宮人糧稟坊事五人從八品下初內坊隸東宮開元二十七年隸內侍省為局改  
典內曰令出承坊事及導宮舍人六人掌序導賓

客閤帥六人掌帥閤人內給使以供其事內閤人八人掌承諸門出入管籥內繳扇燈燭內殿  
尉二人掌車乘有錄事一人令史三人書令史五人典事二人駕士三十人亭長掌固各一人

典直四人正九品下掌宮內儀式導引通傳勞問糺劾非違察出

納內官貴妃惠妃麗妃華妃各一人正一品掌佐皇后論婦禮於

內無所不統唐因隋制有貴妃淑妃德妃賢妃各一人為夫人正一品昭儀昭容昭媛脩儀  
脩容脩媛充儀充容充媛各一人為九嬪正二品婕妤九人正三品美人四人

正四品才人五人正五品寶林二十七人正六品御女二十七人正七品采女二十七人正八品  
六尚亦曰諸尚書正三品二十四司亦曰諸司事正四品二十四典亦曰諸典事正六品二十四  
掌亦曰諸掌事龍朔二年置贊德二人正一品宣儀四人正二品承閨五人正四品承旨五人正  
五品衛仙六人正六品供奉八人正七品侍櫛二十人正八品侍巾三十人正九品威亨復舊開  
元中玄宗以后妃四星一為后有后而復置四妃非典法乃置惠妃麗妃華妃以代三夫人  
又置六儀美人才人增尚宮尚儀尚服三局諸司諸典自六品至九品而止其後復置貴妃

淑儀德儀賢儀順儀婉儀芳儀各一人正二品掌教九御四德率

其屬以贊后禮

美人四人正三品掌率女官脩祭祀賓客之事才人七人正四品

掌淑燕寢理絲枲以獻歲功宮官尚宮局尚宮二人正五品六尚

皆如之掌導引中宮總司記司言司簿司闈凡六尚事物出納文

籍皆泣其印署

有女史六人  
掌執文書

司記二人正六品二十四司皆如之掌宮內文簿入出錄為抄目  
審付行焉牒狀無違然後加印典記佐之

典記二人正七品二十四典皆如之

掌記二人正八品二十四掌皆如之

司言典言各二人掌承敕宣付別鈔以授司闈傳外

掌言二人掌宣傳外司附奏受事者奏聞承敕處分則錄所奏為

案記

有女史  
四人

司簿典簿掌簿各二人掌女史以上名簿稟賜則品別條錄為等

有女史  
六人

司闈六人掌諸閤管籥

典闈掌闈各六人掌分泣啓閉

有女史  
四人

尚儀局尚儀二人掌禮儀起居總司籍司樂司賓司贊

司籍典籍掌籍各二人掌供御經籍分四部部別為目以時暴涼

教學則簿記課業供奉几案紙筆皆預侍焉

有女史  
十人

司樂典樂掌樂各四人掌宮縣及諸樂陳布之儀泣其閱習

有女史  
二人

司賓典賓掌賓各二人掌賓客朝見受名以聞宴會則具品數以

授尚食有賜物與尚功泣給

有女史  
二人

司贊典贊掌贊各二人掌賓客朝見宴食贊相導引會日引客立

于殿庭司言宣敕坐然後引郎席酒至起再拜食至亦起皆相其

儀

彤史二人正六品

有女史  
二人

尚服局尚服二人掌供服用采章之數總司寶司衣司飾司仗

司寶二人掌神寶受命寶六寶及符契皆識其行用記以文簿

典寶掌寶各二人凡出付皆旬別案記還則朱書注入有女史四人

司衣典衣掌衣各二人掌宮內御服首飾整比以時進奉有女史四人

司飾典飾掌飾各二人掌湯沐巾櫛凡供進識其寒溫之節有女史二人

司仗典仗掌仗各二人掌仗衛之器凡立儀衛尚服率司仗等供其事有女史二人

尚食局尚食二人掌供膳羞品齊總司膳司醞司藥司饅凡進食先嘗

司膳二人掌烹煎及膳羞米麩薪炭凡供奉口味皆種別封印

典膳掌膳各四人掌調和御食溫涼寒熱以時供進則嘗之有女史四人

司醞典醞掌醞各二人掌酒醴醢飲以時進御有女史二人

司藥典藥掌藥各二人掌醫方凡藥外進者簿案種別有女史四人

司饅典饅掌饅各二人掌給宮人餼食薪炭皆有等級受付則旬

別案記有女史四人

尚寢局尚寢二人掌燕見進御之次序總司設司輿司苑司燈

司設典設掌設各二人掌牀帷茵席鋪設久故者以狀聞凡汛掃

之事典設以下分視有女史四人

司輿典輿掌輿各二人掌輿輦繖扇文物羽旄以時暴涼典輿以

下分察有女史二人

司苑典苑掌苑各二人掌園苑蒔植蔬果典苑以下分察之果熟

進御有女史二人

司燈典燈掌燈各二人掌門閤燈燭晝漏盡一刻典燈以下分察

有女史二人

尚功局尚功二人掌女工之程總司製司珍司絲司計

司製典製掌製各二人掌供御衣服裁縫有女史二人

司珍典珍掌珍各二人掌珠珍錢貨有女史六人

司綵典綵掌綵各二人掌錦綵縑帛絲枲有賜用則旬別案記有女史二人

司計典計掌計各二人給衣服飲食薪炭有女史二人

宮正一人正五品司正二人正六品典正二人正七品官正掌戒

令糾禁謫罰之事宮人不供職者司正以牒取裁小事決罰大事

奏聞有女史四人阿監副監視七品

太子內官良娣二人正三品良媛六人正四品承徽十人正五品

昭訓十六人正七品奉儀二十四人正九品

司閨二人從六品三司皆如之掌導引妃及宮人名簿總掌正掌

書掌筵

掌正三人從八品九掌皆如之掌文書出入管鑰糾察推罰有女史三人

掌書三人掌符契經籍宣傳啟奏教學稟賜紙筆有女史三人

掌筵三人掌幄帟牀褥几案輿織汎掃鋪設

司則二人掌禮儀參見總掌嚴掌縫掌藏

掌嚴三人掌首飾衣服巾櫛膏沐服玩仗衛有女史三人

掌縫三人掌裁紉織績有女史三人

掌藏三人掌財貨珠寶縑絲

司饌二人掌進食先嘗總掌食掌醫掌園有女史四人

掌食三人掌膳羞酒醴燈燭薪炭器皿有女史四人

掌醫三人掌方藥優樂有女史二人

掌園三人掌種植蔬果有女史二人

百官志第三十七

藝川世鳳尊  
氏雷固南甫

唐書四十七

百官志第三十八

藝川世鳳尊  
氏雷固南甫

唐書四十八

御史臺大夫一人正三品中丞二人正四品下大夫掌以刑法典章糾正百官之罪惡中丞為之貳其屬有三院一曰臺院侍御史隸焉二曰殿院殿中侍御史隸焉三曰察院監察御史隸焉凡冤而無告者三司詰之三司謂御史大夫中書門下也大事奏裁小事專達凡有彈劾御史以白大夫大事以方幅小事署名而已有制覆囚則與刑部尚書平閱行幸乘輅車為導朝會則率其屬正百官之班序遲明列於兩觀監察御史二人押班侍御史顯舉不如法者文武官職事九品以上及二王後朝朔望文官五品以上及兩省供奉官監察御史員外郎太常博士日參號常參官武官三品以上三日一朝號九參官五品以上及折衝當番者五日一朝號六參官弘文崇文館國子監學生四時參凡諸王入朝及以

恩追至者日參九品以上自十月至二月袴褶以朝五品以上有  
珂蕃官及四品非清官則否凡朝位以官職事同者先爵爵同以  
齒致仕官居上職事與散官勳官合班則文散官居職事之下武  
散官次之勳官又次之官同者異姓爲後親王嗣王任文武官者  
從其班官卑者從王品郡王任三品以下職事者居同階品之上  
非任文武官者嗣王居太子太保之下郡王次之國公居三品之  
下郡公居從三品之下縣公居四品之下侯居從四品之下伯居  
五品之下子居從五品之上男居從五品之下以前官召見者居  
本品見任之上以理解者居同品之下本司參集者以職事爲上  
下文武三品非職事官者朝參名簿皆稱曰諸公凡出不踰四面  
關則不辭見都督刺史都護既辭候旨於側門左右僕射侍中中  
書令初拜以表讓中書門下五品以上及諸司長官謝於正衙復

進狀謝於側門兩班三品以朔望朝就食廊下殿中侍御史二人

爲使泣之

高宗改治書侍御史中丞以避帝名龍朔二年改御史臺曰憲臺大夫曰大  
司憲中丞曰司憲大夫武后文明元年改御史臺曰肅政臺光宅元年分左  
右臺左臺知百司監軍旅右臺察州縣省風俗尋命左臺兼察州縣兩臺歲再發使八人春  
曰風俗秋曰廉察以四十八條察州縣兩臺御史有假有檢校有自外有試至神龍初皆廢景雲  
三年以兩臺並齊糾舉苛察百僚厭其煩乃廢右臺延和元年復置歲中以尚書省隸左臺月餘  
而右臺復廢至德後諸道使府參佐皆以御史爲之謂之外臺復有檢校裏行內供奉或兼或攝  
諸使下官亦如之會昌初升大夫中丞品東都留臺有中丞一人侍御史一人殿中侍御史二人  
監察御史三人元和後不置中丞以侍御史殿中侍御史監察御史主留臺務而三院御史亦不  
備常

侍御史六人從六品下掌糾舉百寮及入閣承詔知推彈雜事凡  
三司理事與給事中中書舍人更直朝堂若三司所按而非其長  
官則與刑部郎中員外郎大理司直評事往訊彈劾則大夫中丞  
押奏大事法冠朱衣纁裳白紗中單小事常服久次者一人知雜  
事謂之雜端殿中監察職掌進名遷改及令史考第臺內事顯決  
亦號臺端次一人知公解次一人知彈分京城諸司及諸州爲東

三  
西次一人知西推贖二司受事號副端次一人知東推理匭等  
有不糾舉者罰之以殿中侍御史第一人同知東推莅太倉出納  
第二人同知西推莅左藏出納號四推御史隻日臺院受事隻日  
殿院受事次侍御史一人分司東都臺凡御史以下遇長官於路  
去戴下馬長官斂轡止之出入行止殿中以下視以為法先後有  
罰入朝則與殿中侍御史隨仗分入東則居侍中黃門侍郎給事  
中之次西則居中書令侍郎舍人之次各居中丞大夫下每一人  
東嚮承詔五日有旨召御史不呼名則承詔者出樂彥璋為大夫  
以嘗召兩御史乃加副承詔一人闕則殿中承乏監察御史分日  
直朝堂入自側門非奏事不至殿庭正門無籍天授中詔側門置  
籍得至殿庭開元七年又詔隨仗入閣分左右巡糾察違失左巡  
知京城內右巡知京城外盡雍洛二州之境月一代將晦即巡刑

部大理東西徒坊金吾縣獄蒐狩則監圍察斷絕失禽者其後以  
殿中掌左右巡尋以務劇選用京畿縣尉又置御史裏行使侍御  
史裏行使殿中裏行使監察裏行使以未為正官無負數唐法殿  
中侍御史遷拜及職事與侍御史鈞開元以降權屬侍御史而殿  
中兼知庫藏官門內事故事御史臺不受訟有訴可聞者略其姓  
名託以風聞其後御史嫉惡者少通狀壅絕十四年乃定授事御  
史一人知其日劾狀題告事人姓名其後宰相以御史權重建議  
彈奏先白中丞大夫復通狀中書門下然後得奏自是御史之任  
輕矣建中元年以侍御史分掌公廨推彈自是雜端之任輕矣元  
和八年命四推御史受事周而復始罷東西分日之限隋末廢殿內侍  
御史義寧元年  
丞相府置察非椽二人武德元年改曰殿中侍御史龍朔元年置監察御史  
裏行武后文明元年置殿中裏行後亦額以裏行名官長安二年置內供奉  
主簿一人從七品下掌印受事發辰覈臺務主公廨及戶奴婢勳

散官之職錄事二人從九品下

有主事二人臺院有令史七十八人書令史二十  
五人亭長六人掌固十二人殿院有令史八人書  
令史十八人察院有計史三十  
四人令史十八人掌固十二人

殿中侍御史九人從七品下掌殿庭供奉之儀京畿諸州兵皆隸焉正班列於閣門之外糾離班語不肅者元日冬至朝會則乘馬具服戴黑豸升殿巡幸則往來門旗之內檢校文物虧失者一人同知東推監太倉出納一人同知西推監左藏出納二人爲廊下食使二人分知左右巡三人內供奉

監察御史十五人正八品下掌分察百寮巡按州縣獄訟軍戎祭祀營作太府出納皆蒞焉知朝堂左右廂及百司綱目凡十道巡按以判官二人爲佐務繁則有支使其一察官人善惡其二察戶口流散籍帳隱沒賦役不均其三察農桑不勤倉庫減耗其四察妖滑盜賊不事生業爲私蠹害其五察德行孝悌茂才異等藏器

晦跡應時用者其六察黠吏豪宗兼并縱暴貧弱冤苦不能自申者凡戰伐大克獲則數俘馘審功賞然後奏之屯田鑄錢嶺南黔府選補亦視功過糾察決囚徒則與中書舍人金吾將軍蒞之國忌齋則與殿中侍御史分察寺觀蒞宴射習射及大祠中祠視不  
如儀者以聞初開元中兼巡傳驛至二十五年以監察御史檢校兩京館驛大曆十四年兩京以御史一人知館驛號館驛使監察御史分察尚書省六司繇下第一人爲始出使亦然興元元年以第一人察吏部禮部兼監察使第二人察兵部工部兼館驛使第三人察戶部刑部歲終議殿最元和中以新人不出使無以觀能否乃命顯察尚書省號曰六察官開元十九年以監察御史二人蒞太倉左藏庫三院御史皆初領繁劇外府推事其後以殿中侍御史上一人爲監太倉使第二人爲監左藏庫使凡諸使下三院御



史內供奉其班居正臺監察御史之上

太常寺卿一人正三品少卿二人正四品上掌禮樂郊廟社稷之事總郊社太樂鼓吹太醫太卜廩犧諸祠廟等署少卿為之貳凡大禮則贊引有司攝事則為亞獻三公行園陵則為副大祭祀省牲器則謁者為之導小祀及公卿嘉禮命謁者贊相凡巡幸出師克獲皆擇日告太廟凡藏大亨之器服有四院一曰天府院藏瑞應及伐國所獲之寶禘祫則陳于廟庭二曰御衣院藏天子祭服三曰樂縣院藏六樂之器四曰神廚院藏御廩及諸器官奴婢初衣冠署令正八品上貞觀元年署廢高宗即位改治禮部曰奉禮郎以避帝名龍朔二年改太常寺曰奉常寺九寺卿皆曰正卿少卿曰大夫武后光宅元年復改太常寺曰司禮寺丞二人從五品下掌判寺事凡享太廟則修七祀于西門之內主簿二人從七品上

博士四人從七品上掌辨五禮按王公三品以上功過善惡為之

謚大禮則贊卿導引

太祝六人正九品上掌出納神主祭祀則跪讀祝文卿省牲則循牲告充牽以授太官

奉禮郎二人從九品上掌君臣版位以奉朝會祭祀之禮宗廟則設皇帝位於庭九廟子孫列焉昭穆異位去爵從齒凡樽彝勺罍筐坫簠簋登鉶籩豆皆辨其位凡祭祀朝會在位拜跪之節皆贊導之公卿巡行諸陵則主其威儀鼓吹而相其禮

協律郎二人正八品上掌和律呂錄事二人從九品上八寺錄事

品同有禮院脩撰檢討官各一人府十二人史二十三人謁者十人贊引二十人贊者四人祝史六人贊者十六人太常寺禮院禮生各三十五人亭長八人掌固十二人

兩京郊社署令各一人從七品下丞各一人從八品上令掌五郊社稷明堂之位與奉禮郎設樽彝筐幕而太官令實之立燎壇積柴合朔有變則巡察四門以俟變過明則罷有府二人史四人典事五人掌固五人門僕八人齋郎百一十

人齋郎掌供郊廟之役太廟九室室有長三人以主樽壘篚纂鎖鑰又有壘洗二人郊壇有掌坐二十四人以主神御之物皆禮部奏補凡室長十年掌座十二年皆授官祭饗而貢少兼取三館學生皆絳衣絳幘更一番者戶部下蠲符歲二申考諸署所擇者太常以十月申解於禮部如貢舉法帖論語及一大經中第者錄奏吏部注冬集散官否者番上如初六試而絀授散官唐初以郊社太樂鼓吹太醫太官左藏乘黃典廢典客上林太倉平準常平典牧左尚右尚為上署鈞盾右藏織染掌冶為中署珍羞良醞掌醞守官武器車府司儀崇玄導官甄官河渠弩坊甲坊舟楫太卜廩犧中校左校右校為下署

大樂署令二人從七品下丞一人從八品下樂正八人從九品下  
令掌調鐘律以供祭饗凡習樂立師以教而歲考其師之課業為三等以上禮部十年大校未成則五年而校以番上下有故及不任供奉則輸資錢以充伎衣樂器之用散樂閏月人出資錢百六十長上者復繇役音聲人納資者歲錢二千博士教之功多者為上第功少者為中第不勤者為下第禮部覆之十五年有五上考七中考者授散官直本司年滿考少者不敘教長上弟子四考難色二人次難色二人業成者進考得難曲五十以上任供奉者為

業成習難色大部伎三年而成次部二年而成易色小部伎一年而成皆入等第三為業成業成行脩謹者為助教博士缺以次補之長上及別教未得十曲給資三之一不成者隸鼓吹署習大小橫吹難色四番而成易色三番而成不成者博士有謫內教博士及弟子長教者給資錢而畱之武德後置內教坊于禁中武后如意元年改曰雲韶府以中官為使開元二年又置內教坊于蓬萊宮側有音聲博士第一曹博士第二曹博士京都置右左教坊掌併優雜伎自是不隸太常以中官為教坊使改唐太樂為樂正有府三人史六人典事八人掌固六人文武  
二舞郎一百四十人散樂三百八十二人仗內散樂一千人音聲人二萬二十七人有別教院開成三年改法曲所處院曰仙韶院  
鼓吹署令二人從七品下丞二人從八品下樂正四人從九品下  
令掌鼓吹之節合朔有變則帥工人設五鼓于太社執麾旒于四門之塾置龍牀有變則舉麾擊鼓變復而止馬射設柶鼓金鉦施

龍牀大儼帥鼓角以助侏子之唱

有府三人史六人典事四人掌固四人唐并清商鼓吹為一署增令一人

太醫署令二人從七品下丞二人醫監四人並從八品下醫正八

人從九品下令掌醫療之法其屬有四一曰醫師二曰針師三曰

按摩師四曰呪禁師皆教以博士考試登用如國子監醫師醫正

醫工療病書其全之多少為考課歲給藥以防民疾凡陵寢廟皆

儲以藥尚藥太常醫各一人受之官人患坊有藥庫監門莅出給

醫師醫監醫正番別一人莅坊凡課藥之州置採藥師一人京師

以良田為園庶人十六以上為藥園生業成者為師凡藥辨其所

出擇其良者進焉

有府二人史四人主藥八人藥童二十四人藥園師二人藥園生八人掌固四人醫師二十人醫工百人醫士四十人典藥一人針工二十人

針生二十人按摩工五十六人按摩生十五人呪禁師二人呪禁工八人呪禁生十人

醫博士一人正八品上助教一人從九品上掌教授諸生以本草

甲乙脉經分而為業一曰體療二曰瘡腫三曰少小四曰耳目口

齒五曰角法

針博士一人從八品上助教一人針師十人並從九品下掌教針

生以經脉孔穴教如醫生

按摩博士一人按摩師四人並從九品下掌教導引之法以除疾

損傷折跌者正之

呪禁博士一人從九品下掌教呪禁祓除為厲者齋戒以受焉

太卜署令一人從七品下丞二人從八品下卜正博士各二人從

九品下掌卜筮之法一曰龜二曰五兆三曰易四曰式祭祀大事

率卜正卜日示高於卿退而命龜既灼而占先上旬次中旬次下

旬小祀小事者則卜正示高命龜作而太卜令佐莅之季冬帥侏

子堂贈大儼天子六隊太子二隊方相氏右執戈左執楯而導之

唱十二神名以逐惡鬼儼者出礮雄雞于宮門城門

有卜助教二人卜師二十人巫師十

五人上釜生四十五人府  
一人史二人掌固二人

虞犧署令一人從八品下丞二人正九品下掌犧牲案盛之事祀  
用太牢者三牲加酒脯醢與太祝牽牲就榜位卿省牲則北面告  
膾以授太官籍田則供耒于司農卿卿以授侍中籍田所收以供  
案盛五齊三酒之用以餘及橐飼犧牲有府一人史二人典  
事二人掌固二人  
汾祠署令一人從七品下丞一人從八品上掌享祭灑掃之制府  
有二人史四人廟幹二人  
開元二十一年置署

三皇五帝以前帝王三皇五帝周文王周武王漢高祖兩京武成  
王廟令一人從六品下丞一人正八品下掌開闔灑掃釋奠之禮  
有錄事一人府二人史四人廟幹二人掌固四人門僕八人神龍二年兩京置齊太公廟署其後  
廢開元十九年復置天寶三載初置周文王廟署六載置三皇五帝廟署七載置三皇五帝以前  
帝王廟署九載置周武王漢高祖廟署上元元  
年改齊大公署為武成王廟署朱全忠曰武明  
光祿寺卿一人從三品少卿二人從四品上丞二人從六品上主

簿二人從七品上掌酒醴膳羞之政總太官珍羞良醞掌醢四署  
凡祭祀省牲鑊濯漑三公攝祭則為終獻朝會享則節其等差錄  
事二人龍朔二年改光祿寺曰司宰寺武后光宅元年曰司  
膳寺有府十一人史二十一人亭長六人掌固六人

太官署令二人從七品下丞四人從八品下掌供祠宴朝會膳食  
祭日令白卿詣厨省牲鑊取明水明火帥宰人割牲取毛血實豆  
遂烹又實簋簠設于饌幕之內有府四人史八人監膳十人監膳史  
十五人供膳二千四百人掌固四人  
珍羞署令一人正八品下丞二人正九品下掌供祭祀朝會賓客  
之庶羞榛栗脯脩魚鹽菱芡之名數武后垂拱元年改有藏署曰珍羞署神龍  
元年復舊開元元年又改有府三人史六  
人典書八人錫匠  
五人掌固四人

良醞署令二人正八品下丞二人正九品下掌供五齊三酒享太  
廟則供鬱鬯以實六彝進御則供春暴秋清醑醪桑落之酒有府三  
人史六  
人監事二人掌醞二十人酒匠十  
三人奉觶百二十人掌固四人

掌醢署令一人正八品下丞二人正九品下掌供醢醢之物一曰鹿醢二曰兔醢三曰羊醢四曰魚醢宗廟用菹以實豆賓客百官用醢醬以和羹有府二人史二人主醢十人醬匠二十三人酢匠十二人鼓匠十二人植醢匠八人掌固四人

衛尉寺卿一人從三品少卿二人從四品上丞二人從六品上掌器械文物總武庫武器守宮三署兵器入者皆籍其名數祭祀朝會則供羽儀節鉞金鼓帷帟茵席凡供官衛者歲再閱有敝則脩於少府主簿二人從七品上錄事一人龍朔二年改曰司衛寺武后光宅元年又改有府六人史十一人亭長四人掌固六人

丞掌判寺事辨器械出納之數大事承制勅小事則聽於尚書省兩京武庫署令各二人從六品下丞各二人從八品下掌藏兵械有敝建金雞置鼓宮城門之右大理及府縣囚徒至則擊之監事各一人正九品上諸署監事品同有府各六人史各六人典事各二人掌固各五人開元二十五年東都亦置署

武器署令一人正八品下丞二人正九品下掌外戎器祭祀巡幸則納於武庫給六品以上葬鹵簿祭戟凡戟廟社宮殿之門二十有四東宮之門一十八一品之門十六二品及京兆河南太原尹大都督大都護之門十四三品及上都督中都督上都護上州之門十二下都督下都護中州下州之門各十衣幡壞者五歲一易之薨卒者既葬追還監事二人有府二人史六人典事二人掌固四人貞觀中東都亦置署守官署令一人正八品下丞二人正九品下掌供帳帟祭祀巡幸則設王公百官之位吏部兵部禮部試貢舉人則供帷幙王公婚禮亦供帳具京諸司長上官以品給其牀榻供蕃客帷帟則題歲月席壽三年氈壽五年褥壽七年不及期而壞有罰監事二人有府二人史四人掌設六人幕士八人掌固四人宗正寺卿一人從三品少卿二人從四品上丞二人從六品上掌

天子族親屬籍以別昭穆領陵臺崇玄二署凡親有五等先定於  
司封一曰皇帝周親皇后父母視三品二曰皇帝大功親小功尊  
屬太皇太后皇太后皇后周親視四品三曰皇帝小功親總麻尊  
屬太皇太后皇太后皇后大功親視五品四曰皇帝總麻親祖免  
尊屬太皇太后皇太后皇后小功親五曰皇帝袒免親太皇太后  
小功卑屬皇太后皇后總麻親視六品皇帝親之夫婦男女降本  
親二等餘親降三等尊屬進一等降而過五等者不為親諸王大  
長公主長公主親本品嗣王郡王非三等親者亦視五品駙馬都  
尉視諸親祭祀冊命朝會陪位襲封者皆以簿書上司封主簿二  
人從七品上知圖譜官一人脩玉牒官一人知宗子表疏官一人  
錄事二人武德二年置宗師一人後省龍朔二年改宗正寺曰司宗寺武后光宅元年曰司  
屬寺有府五人史五人亭長四人掌固四人京都太廟齋郎各一百三十八人門僕  
各三十三人主簿錄事各二人

諸陵臺令各一人從五品上丞各一人從七品下建初啓運興寧  
永康陵令各一人從七品下丞各一人從八品下掌守衛山陵凡  
陪葬以文武分左右子孫從父祖者亦如之官人陪葬則陵戶成  
墳諸陵四至有封禁民葬唯故墳不毀開元二十四年以宗廟所奉不可名以  
署太常少卿常緇奏廢太廟署以少卿

一人知太廟事二十五年濮陽王徹為宗正卿恩遇甚厚建議以宗正司屬籍乃請以陵寢宗廟  
隸宗正天寶十二載駙馬都尉張垆為太常卿得幸又以太廟諸陵署隸太常十載改獻昭乾定  
橋五陵署為臺升令品永康興寧二陵稱署如故至德二年復以陵廟隸宗正承泰元年太常卿  
姜慶初復奏以陵廟隸太常大曆二年復舊陵臺有錄事各一人府各二人史各四人主衣主輦  
主藥各四人典事各三人掌固各二人陵戶各三百人昭陵乾陵橋陵增百人諸  
陵有錄事各一人府各一人史各二人典事各二人掌固各三人陵戶各百人

諸太子廟令各一人從八品上丞各一人正九品下錄事各一人  
令掌灑掃開闔之節四時享祭焉有府各一人史各二人典  
事各二人掌固各二人

諸太子陵令各一人從八品下丞各一人從九品下錄事各一人  
有府各一人史各二人典事各二人掌固各一人陵戶各三十八人太  
常舊有太廟署各二人從七品下丞二人從八品下齋郎二十四人

崇玄署令一人正八品下丞二人正九品下掌京都諸親名數與

道士帳籍齋醮之事新羅日本僧入朝學問九年不還者編諸籍  
道士女官僧尼見天子必拜凡止民家不過三夜出踰宿者立案  
連署不過七日路遠者州縣給程天下觀一千六百八十七道士  
七百七十六女冠九百八十八寺五千三百五十八僧七萬五千  
五百二十四尼五萬五百七十六兩京度僧尼道士女冠御史一  
人泄之每三歲州縣為籍一以留縣一以留州僧尼一以上祠部

道士女官一以上宗正一以上司封

有府二人史三人典事六人掌固二人崇  
玄學博士一人學生百人隋以署隸鴻臚

又有道場玄壇唐置諸寺觀監隸鴻臚寺每寺觀有監一人貞觀中廢寺觀監上元二年置漆園  
監尋廢開元二十五年置崇玄學於玄元皇帝廟天寶元年兩京置博士助教各一員學生百人  
每祠享以學生代齋郎二載收崇玄學曰崇賢館博士曰學士助教曰直學士置大學士二人以  
宰相為之領兩京玄元宮及道院改天下崇玄學為通道學博士曰道德博士未幾而罷寶應永  
泰間學生存者亡幾大曆三年復增至百人初天下僧尼道士女官皆隸鴻臚寺武后延載元年  
以僧尼隸祠部開元二十四年道士女官隸宗正寺天寶二載以道士隸司封貞元四年崇玄館  
罷太學士後復置左右街功德使東都功德使脩功德使總僧尼之籍及功役元和二年以道  
士女官隸左右街功德使會昌二年以僧尼隸主客太清宮置玄元館亦有學士至六年廢而僧  
尼復隸兩  
街功德使

太僕寺卿一人從三品少卿二人從四品上丞四人從六品上主  
簿二人從七品上錄事二人卿掌廄牧輦輿之政總乘黃典廄典  
牧車府四署及諸監牧行幸供五路屬車凡監牧籍帳歲受而會  
之上駕部以議考課

永徽中太僕寺曰司馭寺武后光宅元年改曰司僕寺有府十七  
人史三十四人獸醫六百人獸醫博士四人學生百人亭長四人  
掌固  
六人

乘黃署令一人從七品下丞一人從八品下掌供車路及馴馭之  
法凡有事前期四十日率駕士調習尚乘隨路色供馬前期二十  
日調習於內侍省

有府一人史二人駕士二百四十  
人羊車小史十四人掌固六人

典廄署令二人從七品下丞四人從八品下掌飼馬牛給養雜畜  
良馬一丁中馬二丁駕馬三丁乳駒乳犢十給一丁

有府四人史八人  
主乘六人典事八  
人執馭百人駕士  
八百人掌固六人

典牧署令三人正八品上丞六人從九品上掌諸牧雜畜給納及

酥酪脯腊之事群牧所送羊犢以供廩犧尚食監事八人有府四人史八人典

事十六人主酪七十四人駕士百六十八人掌固四人

車府署令一人正八品下丞一人正九品下掌王公以下車路及

馴馭之法從官三品以上婚葬給駕士凡路車之馬牛率馭士調

習有府一人史二人典書四人馭士百七十五人掌固六人

諸牧監上牧監監各一人從五品下副監各二人正六品下丞各

二人正八品上主簿各一人正九品下中牧監監正六品下副監

從六品下丞從八品上主簿從九品上下牧監監從六品下副監

正七品下丞正九品上主簿從九品下中牧監副監丞減上牧監

一員南使西使丞各三人從七品下錄事各一人從九品下北使

鹽州使丞各二人從七品下掌群牧孳課凡馬五千為上監三千

為中監不及為下監馬牛之群有牧長有尉馬之駕良皆著籍良

馬稱左駕馬稱右每歲孟秋群牧使以諸監之籍合為一以仲秋

上於寺送細馬則有牽夫識馬小兒獸醫等凡馬游牝以三月駒

犢在牧者三歲別群孳生過分有賞死耗亦以率除之歲終監牧

使巡按以功過相除為考課上牧監有錄事各一人府各三人史各六人典事各八人掌固各四人中牧監減府一人史典事各減二人下

牧監典事掌固減二人南使西使錄事史各一人府各五人史各九人北使鹽州使錄事以下員數及品如南使麟德中置八使分總監坊秦蘭原渭四州及河曲之地凡監四十有八南使有監十五西使有監十六北使有監七鹽州使有監八嵐州使有監二自京師西屬隴右有七馬坊置隴右三使領之又有沙苑樓煩天馬監沙苑監事畜隴右諸牧牛羊給宴祭及尚食所用每歲與典牧署供焉自監以下品數如下牧監至開元二十三年廢監

東宮九牧監丞二人正八品上錄事一人從九品下掌牧養馬牛

以供皇太子之用有錄事史各一人府三人史六人初監有監副監丞主簿錄事各一人府二人史四人典事四人掌固二人自監以下品同下牧監又有馬牧

使有丞以下官

大理寺卿一人從三品少卿二人從五品下掌折獄詳刑凡罪抵

流死皆上刑部覆於中書門下繫者五日一慮龍朔二年改曰詳刑寺武后光宅元年改曰司刑寺



唐書四十八  
中宗時廢獄丞有府二十八人史五十六人司直史十二人評  
事史二十四人獄史六人亭長四人掌固十八人問事百人

正二人從五品下掌議獄正科條凡丞斷罪不當則以法正之五  
品以上論者莅決巡幸則留總持寺事

丞六人從六品上掌分判寺事正刑之輕重徒以上囚則呼與家  
屬告罪問其服否

主簿二人從七品上掌印省署鈔目句檢稽失凡官吏抵罪及雪  
免皆立簿私罪贖銅一斤公罪二斤皆爲一負十負爲一殿每歲  
吏部兵部牒覆選人殿負錄報焉

獄丞二人從九品下掌率獄史知囚徒貴賤男女異獄五品以上  
月一沐暑則置漿禁紙筆金刃錢物杵槌入者因病給醫藥重者  
脫械鎖家人入侍

司直六人從六品上評事八人從八品下掌出使推按凡承制推

訊長吏當停務禁錮者請魚書以往錄事二人

鴻臚寺卿一人從三品少卿二人從四品上丞三人從六品上掌  
賓客及凶儀之事領典客司儀二署凡四夷君長以蕃望高下爲  
簿朝見辨其等位第三等居武官三品之下第四等居五品之下  
第五等居六品之下有官者居本班御史察食料二王後夷狄君  
長襲官爵者辨嫡庶諸蕃封命則受冊而往海外諸蕃朝賀進貢  
使有下從留其半於境繇海路朝者廣州擇首領一人左右二人  
入朝所獻之物先上其數於鴻臚凡客還鴻臚籍衣齋賜物多少  
以報主客給過所蕃客奏事具至日月及所奏之宜方別爲狀月  
一奏爲簿以副藏鴻臚獻馬則殿中太僕寺涖閱良者入殿中駑  
病入太僕獻藥者鴻臚寺驗覆少府監定價之高下鷹鶻狗豹無  
估則鴻臚定所報輕重凡獻物皆客執以見駝馬則陳于朝堂不

足進者州縣留之皇帝皇太子為五服親及大臣發哀臨弔則卿贊相大臣一品葬以卿護二品以少卿三品以丞皆司儀示以禮制主簿一人從七品上錄事二人

六人

龍朔二年改鴻臚寺曰同文寺武后光宅元年改曰司賓寺有府五人史十人亭長四人掌固

典客署令一人從七品下丞三人從八品下掌二王後介公鄴公之版籍及四夷歸化在藩者朝貢宴享送迎皆預焉首渠首領朝見者給廩食病則遣醫給湯藥喪則給以所須還蕃賜物則佐其受領教拜謝之節

有典客十三人府四人史八人掌固二人

掌客十五人正九品上掌送迎蕃客額蒞館舍司儀署令一人正八品下丞一人正九品下掌凶禮喪葬之具京官職事三品以上散官二品以上祖父母父母喪職事散官五品以上都督刺史卒于京師及五品死王事者將葬祭以少牢率齋郎執俎豆以往三

品以上贈以束帛黑一纁二二品加乘馬既引遣使贈於郭門之

外皆有束帛一品加璧五品以上葬給營墓夫

有司儀六人府二人史四人掌設十八人齋郎三十

人掌固四人幕士六十八人

司農寺卿一人從三品少卿二人從四品上掌倉儲委積之事總

上林太倉鈎盾藁官四署及諸倉司竹諸湯宮苑鹽池諸屯等監

凡京都百司官吏祿稟朝會祭祀所須皆供焉籍田則進耒耜

丞六人從六品上總判寺事凡租及藁秸至京都者閱而納焉官

戶奴婢有技能者配諸司婦人入掖庭以類相偶行宮監牧及賜

王公公主皆取之凡孳生雞彘以戶奴婢課養俾口則配輕使始

至給稟食主簿二人從七品上錄事二人

龍朔二年改司農寺曰司稼寺有府三十八人史七十六人計史三

人亭長九人掌固七人

上林署令二人從七品下丞四人從八品下掌苑囿園池植果蔬

以供朝會祭祀及尚食諸司常料季冬藏冰千段先立春三日納之冰井以黑牡秬黍祭司寒仲春啟冰亦如之監事十人有府七人典事二十四人掌固五人

太倉署令三人從七品下丞五人從八品下監事八人掌廩藏之事有府十人典事二十四人掌固八人

鈞盾署令二人正八品上丞四人正九品上監事十人掌供薪炭

鵝鴨蒲蘭陂池藪澤之物以給祭祀朝會饗燕賓客有府七人典事十四人典事十九人掌固五人

渠官署令二人正八品下丞四人正九品上監事十人掌導擇米

麥凡九穀皆隨精麤差其耗損而供焉有府八人典事十六人典事二十四人掌固五人初有御細倉督趨麩倉督貞觀

太原永豐龍門等倉每倉監一人正七品下丞二人從八品上掌

倉廩儲積凡出納帳籍歲終上寺有錄事一人府三人典事八人掌固六人龍門等倉減府一人典事掌同各減二人

司竹監一人從六品下副監一人正七品下丞二人正八品上掌

植竹葦供宮中百司簾篚之屬歲以筍供尚食有錄事一人府二人典事四人典事三十人掌固四人

葦園匠一百人

慶善石門溫泉湯等監每監監一人從六品下丞一人正七品下

掌湯池宮禁防堰及侍粟芻脩調度以備供奉王公以下湯館視

貴賤為差凡近湯所潤瓜蔬先時而熟者以薦陵廟有錄事一人府一人典事二人掌固四人

京都諸宮苑總監監各一人從五品下副監各一人從六品下丞

各二人從七品下主簿各二人從九品上掌苑內宮館園池禽魚

果木凡官屬人畜出入皆有籍有錄事各二人府各八人典事十六人亭長各四人掌固各五人獸醫各五人

京都諸園苑監苑四面監監各一人從六品下副監各一人從七

品下丞各二人正八品下掌完葺苑面宮館園池與種蒔蕃養六畜之事

顯慶二年改青城宮監曰東都苑北面監明德宮監曰東都苑南面監洛陽宮農圃監曰東都苑東面監倉貨監曰東都苑西面監有錄事各一人府各三人史各六人典事各六人掌固各六人

九成宮總監監一人從五品下副監一人從六品下丞一人從七

品下主簿一人從九品上掌脩完宮苑供進鍊餌之事

有錄事一人府三人自監以下品同宮苑武德初改隋亡壽官監曰九成宮監

諸鹽池監監一人正七品下掌鹽功簿帳

諸屯監一人從七品下丞一人從八品下掌營種屯田句會功課

及畜產簿帳以水旱蠶蝗定課屯主勸率營農督斂地課

有錄事一人史二人典事二人掌固四人每屯主一人屯副一人主簿一人錄事一人府三人史五人

太府寺卿一人從三品少卿二人從四品上掌財貨廩藏貨易總

京都四市左右藏常平七署凡四方貢賦百官俸秩謹其出納賦

物任土所出定精麤之差祭祀幣帛皆供焉

龍朔二年改太府寺曰外府寺武后光宅元年改曰司府寺

丞四人從六品上掌判寺事凡元日冬至以方物陳于庭者受而

進之會賜及別敕六品以下賜者給於朝堂以一人主左右藏署

帳凡在署為簿在寺為帳三月一報金部

主簿二人從七品上掌印省鈔目句檢稽失平權衡度量歲以八

月印署然後用之錄事二人

兩京諸市署令一人從六品上丞二人正八品上掌財貨交易度

量器物辨其真偽輕重市肆皆建標築土為候禁權固及參市自

殖者凡市日中擊鼓三百以會眾日入前七刻擊鉦三百而散有

果毅巡邏平貨物為三等之直十日為簿車駕行幸則立市于頓

側互市有衛士五十人以察非常

有錄事一人府三人史七人典事三人掌固一人

左藏署令三人從七品下丞五人從八品下監事八人掌錢帛雜

有府九人史十八人典事十二人掌固八人

綵天下賦調卿及御史監閱

有府五人史十二人典事七人掌固十人

右藏署令二人正八品上丞三人正九品上監事四人掌金玉珠

寶銅鐵骨角齒毛綵畫

有府四人史八人典事五人掌固六人

常平署令一人從七品上丞二人從八品下監事五人掌平糶倉

儲出納

有府四人史八人典事五人掌固六人

國子監祭酒一人從三品司業二人從四品下掌儒學訓導之政

總國子太學廣文四門律書算凡七學天子視學皇太子齒胃則

講義釋奠執經論議奏京文武七品以上觀禮凡授經以周易尚

書周禮儀禮禮記毛詩春秋左氏傳公羊傳穀梁傳各為一經兼

習孝經論語老子歲終考學官訓導多少為殿最

丞一人從六品下掌判監事每歲七學生業成與司業祭酒蒞試

登第者上於禮部

主簿一人從七品下掌印句督監事七學生不率教者舉而免之

錄事一人從九品下

武德初以國子監曰國子學隸太常寺貞觀一年復曰監龍朔二年改國子監曰司成館祭酒曰大司成司業曰少司成咸亨元年復

國子學博士五人正五品上掌教三品以上及國公子孫從二品

以上曾孫為生者五分其經以為業周禮儀禮禮記毛詩春秋左

氏傳各六十人暇則習隸書國語說文字林三倉爾雅每歲通兩

經求仕者上於監秀才進士亦如之學生以長幼為序習正業之

外教吉凶二禮公私有事則相儀

龍朔二年改博士曰宣業有大成十人學生八人典學四人廟幹二人掌固四人東都學生

助教五人從六品上掌佐博士分經教授

直講四人掌佐博士助教以經術講授

五經博士各二人正五品上掌以其經之學教國子周易尚書毛詩左氏春秋禮記為五經論語孝經爾雅不立學官附中經而已

太學博士六人正六品上助教六人從七品上掌教五品以上及郡縣公子孫從三品曾孫為生者五分其經以為業每經百人有學

生七十人典學四人掌固六人東都學生十五人

廣文館博士四人助教二人掌領國子學生業進士者有學生六十人東都十人天寶

九載置廣文館有知進士助教後罷知進士之名

四門館博士六人正七品上助教六人從八品上直講四人掌教

七品以上侯伯子男子為生及庶人子為俊士生者有學生三百人典學四人掌固六人

東都學生五十人

律學博士三人從八品下助教一人從九品下掌教八品以下及

庶人子為生者律令為顯業兼習格式法例隋律學隸大理寺博士八人武德初隸國子監尋廢貞觀六年

復置顯慶三年又廢以博士以下隸大理寺龍朔二年復置有學生二十人典學二人元和初東都置學生五人

書學博士二人從九品下助教一人掌教八品以下及庶人子為

生者石經說文字林為顯業兼習餘書武德初廢書學貞觀二年復置顯慶三年又廢以博士以下隸祕書省龍朔二

年復有學生十人典學二人東都學生三人

算學博士二人從九品下助教一人掌教八品以下及庶人子為

生者二分其經以為業九章海島孫子五曹張丘建夏侯陽周髀

五經算綴術緝古為顯業兼習記遺三等數凡六學束脩之禮督

課試舉皆如國子學助教以下所掌亦如之唐廢算學顯慶元年復置三年又廢以博士以下隸太史局龍

朔二年復有學生十人典學二人東都學生二人

少府監一人從三品少監二人從四品下掌百工技巧之政總中

尚左尚右尚織染掌冶五署及諸冶鑄錢互市等監供天子器御

后妃服飾及郊廟圭玉百官儀物凡武庫袍襦皆識其輕重乃藏

之冬至元日以給衛士諸州市牛皮角以供用牧畜角筋腦革悉  
輸焉細鏤之工教以四年車路樂器之工三年平漫刀稍之工二  
年矢鏃竹漆屈柳之工半焉冠冕弁幘之工九月教作者傳家技  
四季以令丞試之歲終以監試之皆物勒工名

丞六人從六品下掌判監事給五署所須金石齒革羽毛竹木所  
入之物各以名數州土為籍工役眾寡難易有等差而均其勞逸

主簿二人從七品下錄事二人從九品上

武德初廢監以諸署隸太府寺貞觀元年復置龍朔二年改曰內府

監武后垂拱元年曰尚方監有府二十七人史十七人計史三人亭長八人掌固六人短蕃匠五千二十九人綾錦坊巧兒三百六十五人內作史綾匠八十三人掖庭綾匠百五十人內作巧兒四十二人配京都諸司諸使雜匠百二十五人

中尚署令一人從七品下丞二人從八品下掌供郊祀圭璧及天子器玩后妃服飾彫文錯綵之制凡金木齒革羽毛任土以時而供赦日樹金雞於仗南竿長七丈有雞高四尺黃金飾首銜絳幡

長七尺承以綵盤維以絳繩將作監供焉擊柷鼓千聲集百官父老囚徒坊小兒得雞首者官以錢購或取絳幡而已歲二月獻牙尺寒食獻毬五月獻綬帶夏至獻雷車七月獻細針臘日獻口脂唯筆琴瑟絃月獻金銀暨紙非肯不獻製魚袋以給百官蕃客賜寶鈿帶魚袋則授鴻臚寺丞主簿監作四人從九品下凡監作皆

同品

有府九人史十八人典事四人掌固四人唐改內尚方署曰中尚方署武后改少府監曰尚方監而中左右尚方織染方掌冶方五署皆去方以避監自是不改矣有金銀作坊院

左尚署令一人從七品下丞五人從八品下掌供翟扇蓋繖五路五副七輦十二車及皇太后皇太子公主王妃內外命婦王公之車路凡画素刻鏤與官中蠟炬雜作皆領之監作六人

有府七人史二十一人典事十八人掌固十四人

右尚署令二人從七品下丞四人從八品下掌供十二閑馬之轡每歲取於京兆河南府加飾乃進凡五品三部之帳刀劔斧鉞甲

胄紙筆茵席履舄皆擬其用皮毛之工亦領焉監作六人有府七人典事十三人掌固十人

織染署令一人正八品上丞二人正九品上掌供冠冕組綬及織

紙色染錦羅紗縠綾綉絹布皆廣尺有八寸四丈為匹布五丈

為端錦六兩為屯絲五兩為絢麻三斤為緌凡綾錦文織禁示於

外高品一人專莅之歲奏用度及所織每掖庭經錦則給酒羊七

月七日祭杼監作六人有府六人史十四人典事十一人掌固五人

掌冶署令一人正八品上丞二人正九品上掌范鎔金銀銅鐵及

塗飾琉璃玉作銅鐵人得採而官收以稅唯鑱官市邊州不置鐵

冶器用所須皆官供凡諸冶成器上數于少府監然後給之監作

二人有府六人史十二人典事二十三人掌固四人

諸冶監令各一人正七品下丞各一人從八品上掌鑄兵農之器

給軍士屯田居民唯興農治頴供隴右監牧監作四人有錄事一人府一人史二人典

事一人掌固四人太原治源監作二人

諸鑄錢監監各一人副監各二人丞各一人以所在都督刺史判

焉副監上佐丞以判司監事以參軍及縣尉為之監事各一人有錄

事各一人府各三人史各四人典事各五人凡鑄錢有七監會昌中增至八監每道置鑄錢坊一大中初三監廢

互市監每監監一人從六品下丞二人正八品下掌蕃國交易之

事隋以監隸四方館唐隸少府貞觀六年改交市監曰互市監副監曰丞武后垂拱元年曰通市監有錄事一人府二人史四人價人四人掌固八人

將作監監一人從三品少監二人從四品下掌土木工匠之政總

左校右校中校甄官等署百工等監太明興慶上陽宮中書門下

六軍仗舍閑廐謂之內作郊廟城門省寺臺監十六衛東宮王府

諸廨謂之外作自十月距二月休冶功自冬至距九月休土功凡

治官廟太常擇日以聞



丞四人從六品下掌判監事凡外營繕大事則聽制敕小事則須省符功有長短役有輕重自四月距七月為長功二月三月八月九月為中功自十月距正月為短功長上匠州率資錢以酬雇軍器則勒歲月與工姓名武德初改令曰大匠少令曰少匠龍朔二年改將作監曰繕工十一載改大匠曰大監少匠曰少監有府十四人史二十八人計史三人亭長四人掌固六人短蕃匠一萬二千七百四十四人明資匠二百六十八人

主簿二人從七品下掌官吏糧料俸食假使必由之諸司供署監物有闕舉焉錄事二人從九品上

左校署令二人從八品下丞一人正九品下掌梓匠之事樂縣篋簾兵械喪葬儀物皆供焉官室之制自天子至士庶有等差官脩者左校為之監作十人有府六人史十二人監作十二人

右校署令二人從八品下丞三人正九品下掌版築塗泥丹堊匱廁之事有所須則審其多少而市之監作十人有府五人史十八人典事二十四人

中校署令一人從八品下丞三人正九品下掌供舟車兵械雜器行幸陳設則供竿柱閑殿繫秣則供行槽禱祀則供棘葛內外營作所須皆取焉監牧車牛有年支芻豆則受之以給車坊監事四人武后時改曰營繕署垂拱元年復舊尋廢開元初復置有府三人史六人典事八人掌固二人

甄官署令一人從八品下丞二人正九品下掌琢石陶土之事供石磬人獸碑柱碾磴瓶缶之器敕葬則供明器監作四人有府五人史十人典

事十八人

百工就谷庫谷斜谷大陰伊陽監監各一人正七品下副監一人從七品下丞一人正八品上掌采伐材木監作四人武德初置百工監掌舟車及營造雜

作有監少監各一人丞四人主簿一人又置就谷庫谷斜谷大陰伊陽五監貞觀中廢百工監高宗置百工署掌東都土木瓦石之功開元十五年為監有錄事一人府一人史三人典事二十人

軍器監監一人正四品上丞二人正七品上掌繕甲弩以時輸武庫總署二一日弩坊二日甲坊主簿一人正八品下錄事一人從

**九品下**武德初有武器監一人正八品下掌兵仗廢牧少監一人丞二人主簿一人七年廢軍器監八年復置九年又廢貞觀六年廢武器監開元以前軍器皆出在尚書三年置軍器監十一年復廢為甲弩坊隸少府十六年復為監有府八人史十二人典事二人掌固四人

弩坊署令一人正八品下丞一人正九品下掌出納矛稍弓矢排

弩刃鏃雜作及工匠監作二人有府二人史五人典事二人貞觀六年改弓弩署為弩坊署甲鏡署為甲坊署

甲坊署令一人正八品下丞一人正九品下掌出納甲冑綾繩筋

角雜作及工匠監作二人有府二人史五人典事二人

都水監使者二人正五品上掌川澤津梁渠堰陂池之政總河渠

諸津監署凡漁捕有禁漑田自遠始先稻後陸渠長斗門長節其

多少而均焉府縣以官督察

丞二人從七品上掌判監事凡京畿諸水因灌溉盜費者有禁水

入內之餘則均王公百官

主簿一人從八品下掌運漕漁捕程會而糾舉之武德初廢都水監為署貞觀六年復為監改令

曰使者龍朔二年改都水監曰司津監使者曰監武后垂拱元年改都水監曰水衡監使者曰都尉開元二十五年不隸將作監有錄事一人府五人史十人亭長一人掌固四人初貞觀六年置舟楫署有令一人正八品下掌舟楫運漕漕正一人府三人史六人監漕一人漕史二人典事六人掌固八人上元二年署丞二人正九品下掌運漕隱失開元二十六年署廢

河渠署令一人正八品下丞二人正九品上掌河渠陂池隄堰魚

醢之事凡溝渠開塞漁捕時禁皆額之饗宗廟則供魚鮫祀昊天

上帝有司攝事則供腥魚日供尚食及給中書門下歲供諸司及

東宮之冬藏渭河三百里內漁釣者五坊捕治之供祠祀則自便

橋至東渭橋禁民漁三元日非供祠不採魚唐有河隄使者貞觀初改曰河隄謁者有府三人史六人典事

三人每渠及斗門有長一人掌固三人魚師十三人初有監漕十人從九品上大曆後省興成五門六門龍首涇堰滋隄凡六堰皆有丞一人從九品下府一人史二人典事二人掌固二人貞觀六年

皆廢

河隄謁者六人正八品下掌完隄堰利溝瀆漁捕之事涇渭白渠

以京兆少尹一人督視

諸津令各一人正九品上丞二人從九品下掌天下津濟舟梁灞

橋永濟橋以勲官散官一人莅之天津橋中橋則以衛士拚掃凡  
 舟渠之備皆先擬其半柳塞竹篝所在供焉  
唐改津尉曰令有錄事一人府  
 一人史二人典事三人津吏五  
 人橋丁各三十人匠各八人京兆河南諸津隸都水監便橋渭橋萬年三  
 橋有丞一人從九品下府一人史七人典事二人掌固二人貞觀中廢

百官志第三十八 終

薛川屯鳳臺  
 氏關正南市

唐書四十八

